











# (উমেদার-দৰ্পণ)

( কাব্য । )

শ্রীশ্যামাচরণ মজুমদার

প্রণীত ।

নহি ভবতি যন্ন ভাব্যং

ভবতি চ ভাব্যং বিনাপি যত্নেন ।

করতল গতমপি নশ্যতি

যন্ত তু ভবিতব্যতা নাস্তি ।

( পঞ্চতন্ত্রম্ )

[ কলিকাতা, ৬ নং বাগ্‌বাজার ষ্ট্রীট হইতে

এন্থকার কর্তৃক প্রকাশিত । ]

হিন্দুপ্রেস,

৬১ নং আহীরাটোলা ষ্ট্রীট,—কলিকাতা ।

শ্রীহরিদাস দে দ্বারা মুদ্রিত ।

বঙ্গাব্দ ১২৯৭ ।

মূল্য ১০ আট আনা মাত্র



# ভূমিদার-দর্পণ ।

( কাব্য । )

---

শ্রীশ্যামাচরণ মজুমদার কর্তৃক

প্রণীত ও প্রকাশিত

[ ৬ নং বাগ্‌বাজার স্ট্রীট, —কলিকাতা । ]



হিন্দু প্রেস,

৬১ নং আহীরাটোলা স্ট্রীট, —কলিকাতা ।

শ্রীহরিদাস দে দ্বারা মুদ্রিত

বঙ্গাব্দ ১২৯৭ ।





# উৎসর্গ পত্র ।

দীন প্রতিপালক

শ্রীল শ্রীযুক্ত মহারাজা গিরিজানাথ রায়

বাহাদুর সমীপেষু ।

মহারাজ !

দারিদ্র্য-দুঃখ-তমপরিপূর্ণ এ দীনের হৃদয়া-  
কর হইতে এই “উমেদার-দর্পণ,” প্রথম সমু-  
দ্ভূত হইবামাত্র আপনি ইহার প্রতি যে প্রকার  
সহানুভূতি প্রদর্শন করিয়াছিলেন, তদ্রূপ কোন  
কোন মহাত্মাও ভবদীয় এই সদৃশীকৃত্তের অনু-  
করণ করায়, আমি এতদিনে এতমুদ্রাঙ্কণে  
সাহসী ও সক্ষম হইলাম । এতন্নিবন্ধন কৃতজ্ঞ-  
তার চিহ্ন স্বরূপ এই ক্ষুদ্র দর্পণ খানি ভবদীয়  
কর-কমলে মহাসমাদরে সমর্পণ করিলাম । এক্ষণে  
এতন্নিহিত প্রতিবিম্ব গুলির প্রতি মহারাজের  
চিরাগত রূপা-কটাক্ষপাত হইলেই গ্রন্থকারের  
মনোরথ পূর্ণ হইবে । অলমিতি বিস্তরেণ ।

শ্রীশ্যামাচরণ শর্মা ।



## মুখবন্ধ ।

---

ছবিষহ বিষাদ-তমপূর্ণ “বঙ্গের আকর” হইতে অতি মলিনবেশে এই “উমেদার-দর্পণ” নিষ্কাশিত হইল । হায় ! বর্তমান উনবিংশ শতাব্দীর চরম সীমায় যে ঈদৃশ দর্পণের প্রয়োজন হইবে, কেহ স্বপ্নেও তাহা একবার চিন্তা করেন নাই । কেবল নিয়তির বশতাপনে ইহার অপ্রতিহত-বেগ সহসা বর্ষাতরঙ্গিনীর প্রবল-প্রবাহের তায় এ বঙ্গ-মাগরে প্রধাবিত হইল । এক্ষণে এতন্নিবারনের উপায় অবধারণ না করিলে ভবিষ্যতে হতভাগ্য বঙ্গের প্রত্যেক গৃহে উত্তরোত্তর ইহার প্রতিক্রম প্রতিফলিত হইবে, তাহার সন্দেহ নাই । অতএব বঙ্গ সমাজস্থিত কি ধনী, কি নির্ধন কি মধ্যবিত্ত প্রত্যেক ব্যক্তি ইহার প্রতি একবার দৃষ্টি নিক্ষেপ পূর্বক কিঞ্চিৎ সতর্ক হইলেই আমি সমুদায় শ্রম ফল বোধ করিব ।

পরিশেষে কৃতজ্ঞতা সহকারে স্বীকার

করিতেছি যে, নিম্নলিখিত মহোদয়গণ এতন্মুদ্রা-  
ঙ্কণের যথেষ্ট সাহায্য প্রদান করিয়াছেন ; ভরসা  
করি, সকলেই এ হতভাগ্য গ্রন্থকারের প্রতি  
সদয় ব্যবহারে চিরকৃতজ্ঞতাপাশে বদ্ধ রাখিবেন ।

শ্রীল শ্রীযুক্ত মহারাজা গিরিজানাথ রায়

বাহাদুর দিনাজপুর

ভিতরবন্দের প্রসিদ্ধ ভূম্যধিকারী

শ্রীল শ্রীযুক্ত বাবু গোপাল দাস রায় চৌধুরী

„ „ „ সরদা কান্ত রায় চৌধুরি

„ „ „ হরিদাস রায় চৌধুরি

„ „ „ বরদা কান্ত রায় চৌধুরি

বাগ্‌বাজার স্ট্রীট, } শ্রীশ্যামাচরণ শর্মা  
কলিকাতা ।

## শুদ্ধিপত্র ।

পৃষ্ঠা	পংক্তি	অশুদ্ধ	শুদ্ধ
১১	১	লভে	নভে
২৫	২২	অব্যাবিত	অব্যাহত
৪৯	২০	উন্মলিতা	উন্মূলিতা
৫৪	৫	করিছে	করেছে
৫৮	১০	ভবি	ভাবি
৬৯	৮	শক্তি	শান্তি



# উমেদার-দৰ্পণ ।

( কাব্য । )



প্রথম-দৰ্পণ



কোথা মা ভারতীশ্বরী ! প্রণমি তোমায়,  
অধম-তনয়ে আসি, দেও দরশন—  
এ বিপত্তি কালে ; আশার কুহকে ভুলি  
বিষয় কারণ, ভ্রমি সদা দলে দলে  
উমেদার সনে । নিরখি তাদের দশা,  
নিজ-ভাগ্য ন্মরি, দহিতেছি নিরন্তর  
বিষাদ-দহনে । নিবারিতে এ অনল—  
দুঃখ দুর্গিবার, রচিব অপূৰ্ব-কাব্য  
তব কৃপাবলে ; সে আশয়ে ডাকি মাতঃ !  
একান্ত-অন্তরে আজি, তুমি বিনা আর,  
হেন দৃঢ়-ব্রতে, অবলম্ব্য নাহি যার  
অম্বুজ বাসিনি ! কি রূপে হইবে তার



## উমেদার দর্পণ

মানস সফল ? । তব কৃপা লভে যেই,  
এমত-ভবনে মাতঃ ! কি অভাব তার ;  
“মহাকবি” নাম তারে দেও সমাদরে ।  
কি ছার সুমেরু-শৃঙ্গ—কনক-মণ্ডিত ;  
ইন্দের অমরাপুরী—ত্রিলোক-বিখ্যাত ;  
কে, বলে মানস-নরঃ—প্রসন্ন-সুন্দর ;  
এ সকল হ’তে, ভোগ্য ভোগে সেই নর ।  
নিয়ত করেন বাস যশের মন্দিরে ;  
সুমেরু জিনিয়া উচ্চ—রত্নাসন তার ;  
কাব্য-সম্ভোবর সুধা সদা করি পান,  
অক্ষয়-অমর-পদ লভে সে অচিরে ।  
কাব্যের সরসী সেই—অতি মনোরম,  
নানা ছন্দে সুকৌশলে বাঁধা চারিধার,  
যতি যমকানুপ্রাস—জলচর গণ,  
প্রাত পাদক্ষেপে করে আনন্দ বর্ধন  
নবরমে পরিপূর্ণ—সরোজ নিকর,  
স্বর্গীয়-কমল নহে তার সমতুল ।  
জিনি ক্রত-ইরম্মদে, পবনের বেগ—  
মানস-বিহঙ্গ যানে করি আরোহণ,  
পলকে ত্রিলোক কবি করেন ভ্রমণ ।  
কম্পনা সুন্দরী তাঁর প্রিয় সহচরী,  
কি দিব তুলনা তার,—অতুল্যা জগতে

গিরি গুহা অগণন বন উপবন,  
নিমিষে কবিরে সব করায় দর্শন ।

এ বঙ্গ ভূমিতে হায় ! কত উমেদার—  
ভ্রমিতেছে নিরন্তর ধনীর আগারে,  
প্রাণোপম পুত্র কন্যা সহ পরিজনে,  
জনমের মত যেন দিয়া বিসর্জন ।  
সহিতে না পারি আর, এ নব-মুকুরে,  
উমেদার প্রতিবিন্দু—করিব স্থাপন ।  
তব অনুগ্রহে তায়, হবে বিভাসিত—  
মানব-প্রকৃতি কত—স্বভাব-মন্তুত ।  
স্ততি কিম্বা নিন্দাবাদে নাহিক বাসনা  
মম ; কিবা উচ্চ নীচ, মধ্যবিধ যত ; .  
সবার প্রকৃত-মূর্ত্তি, রাখি এ দর্পণে  
স্তরে স্তরে, একে একে করাব দর্শন ।  
রত্নাকর, ভবভূতি ব্যাস কালিদাস—  
মহাকাব্য কর ; না পেয়ে সন্ধান এর,  
কাল-চক্র বশে ; এ রসে বঞ্চিত হবে  
ছিলেন সর্ব্বথা ; দৈব বশে এ অভাগ্য  
হয়ে উমেদার, নিশীথে নিভূতে বসি  
তৃণের শয়নে, ধরিল লেখনী করে,  
একাব্য সৃজনে শুভঙ্কণে ; মুহু মুহুঃ  
ঘাত প্রতিঘাতে, প্রতপ্ত-অয়ন যথা

ক্রমে প্রসারিত ; এ দক্ষ হৃদয় তথা,  
এ সংসারে পুনঃ পুনঃ দুঃখ দণ্ডাঘাতে—  
ক্রমশঃ অয়স সম, হয়েছে প্রসর ।

উমেদার দশা যবে করি দরশন—  
নগরে প্রান্তরে মাতঃ ! সহসা অমনি,  
কারুণ্য রসের শ্রোতঃ পশিয়া অন্তরে,  
প্রধুমিত করে হায় ! সন্তপ্ত-হৃদয়  
মম, কে নিবারে তার । হায় ! যথা আমি,  
নিবারিতে সে অনল করি এ আয়াস ।

ঔর দেবি ! জগন্মাতঃ ! ত্রিলোক উজলি-  
বিজলী, উজলে যথা জলদ-প্রদেশে ।  
মোহ-নিদ্রা অভিভূত এ মর্ত্ত-ভুবন,  
চেতন পাইবে সবে বিমল-আভায় ।  
প্রসূতির কর স্পর্শে, সন্তান বেমতি—  
ভাঙ্গিলে ঘুমের ঘোর ব্যাঘ্র স্তন্য পানে ;  
তদ্রূপ এ মূঢ়মতি—অধম-সন্তান,  
তব কাব্য-সুখা পানে হইবে বিভোর ।  
উদর পূরিয়া শেষে পুলক অন্তরে,  
ছড়াব জগতে তাহা ( শ্রাবণের ধারা  
যথা বর্ষে অবিরল ) তৃষাতুর জনে ।  
বহিবে প্রবল-শ্রোতঃ ভারত-ভিতর,  
আকীর্ণ হইবে বঙ্গ সে সুখা বর্ষণে ।

চাতক যেমতি—নব-বারিদ সঞ্চারে,  
 উর্দ্ধ-মুখে পানশয়ে থাকে নিরন্তর ;  
 এ নব কবিতা যবে হইবে প্রকাশ,—  
 প্রতি ঘরে ঘরে, উন্মুখ হইবে যত—  
 বঙ্গীয় যুবক তাহা, করিবারে পান ।  
 যখন ইহার স্বাদ করিবে গ্রহণ—  
 মহামুখে ; অনায়াসে মোহ-নিদ্রা হ’তে  
 সবে পাইবে চেতন ; তখন ঝরিবে  
 নেত্রে শত অশ্রু ধারা—অবিরল বেগে ;  
 বেপথু রোমাঞ্চ আদি দিবে দরশন ;  
 বহিবে পবন জিনি প্রবল-নিশ্বাস ।  
 উমেদার দুঃখ দেখি, টলিবে ভু-ধর ।  
 সম পামাণ-মানব । কোমল-হৃদয়  
 যার—নবনীত প্রায়, অমনি গলিবে  
 খলু ইহার সন্তাপে, সে কোমল-হিয়া ।  
 শুনি এ সঙ্গীত কত সরলা জননী—  
 চমকিবে হায় ! স্ব সূতের পরিণাম  
 ভাবি মনে মনে—“দুঃখিনী উদরে বাছা  
 লভিল জন্ম, না জানি বিধাতা তার  
 লিখিল। কি ভালে হায় ! বুঝিতে না পারি”  
 হাসিবে বালক সবে দিয়া করতালি,  
 বিশ্বাস না হবে কা’র এ নব সঙ্গীত ;

অবোধ বালক তারা—সরল হৃদয় ;  
 জানেনা সংসার-গতি—ভীষণ কেমন ।  
 ভুক্ত ভোগী নর—একান্তে করিবে পান  
 হেন ভাবি মনে, জীবন প্রবাহে তার  
 মিলে কি না মিলে ; প্রোষিত-ভর্তৃকা—যার  
 স্বামী উমেদার, শুনিলে এ গীত—হায় !  
 মরিবে বিষাদে ; ক্রমশঃ বাড়িবে তার  
 কুচিন্তা অন্তরে, সহচরী দলে ধনী  
 পশিবেনা আর কভু ঘৃণা লজ্জা ক্ষোভে ।  
 কোন ধনী সগরবে কহিবে অপরে—  
 “মম স্বামী ভাগ্যবান বিধির প্রসাদে,  
 করে নাই উমেদারী ; মুনিব আপনি,  
 সাদরে লইয়া তারে দিয়াছে দেওয়ানী ।”  
 ভিক্ষুক, শুনিয়া কত হাসিবে অন্তরে—  
 “মুক্তি মেয় অন্তরে ফিরি দ্বারে দ্বারে,  
 উমেদার হ’তে মোরা পাই সমাদর ।”  
 উদাসীন, উপহাসে দিবে উড়াইয়া  
 “হায় ! মৃত নর ! ঈশ প্রেমাশয়ে যদি  
 কর উমেদারী, অতুল সম্পদ তুমি  
 লভিবে চরণে সেই তপস্যার বলে ।”  
 বঙ্কের প্রদীপ সম কোন জমিদার—  
 ঈশৎ হাসিবে নরি আপন গৌরব,

বিচিন্তিবে মনে—“ধন্য আমি নরকুলে  
বিধি রূপাবলে, সামান্য অর্থেরতরে  
উমেদারগণ, সতত আসিয়া দ্বারে  
করিছে স্তবন” । কেহ বা বিষাদে মরি  
তাদের দুর্দশা, সাধ্য অনুসারে সবে  
করে উপকার । আর কি কহিব মাতঃ !  
যুগান্তর হবে বঙ্গে একাব্য নৃজনে ।  
দেখিবে ভারতবাসী আপন দুর্গতি—  
কম্পনায় কভু যাহা ভাবি নাই চিতে ;  
দুঃখের আগারে সবে, করিতেছি বাস  
হায় ! মহাসুখে ; হেন অমূলক-স্বপ্ন  
ভাঙ্গিবে অচিরে ; মম এ গভীর নাদে ।

তোমার সে প্রিয়সখা—কম্পনা সুন্দরী,  
চাহিনা তাহারে মাতঃ ! হেন দৃঢ় ব্রতে ।  
নেত্র তৃপ্তিকরী বটে—অন্তর তোষিণী,  
সুকবির এক যাত্র পথ প্রদর্শিনী ;  
অকবির প্রতি কিন্তু নহে অনুকূল ।  
নাহিক কবিত্ব মম—মন মুগ্ধকর,  
সে কারণে কম্পনারে না করি আদর ।  
উমেদার আমি, পড়িব বিপদে ঘোর,  
করিলে সঙ্গিনীতারে, এ নর সমাজে  
কালধর্মবশে । দর্শন শ্রবণ মাত্র

সম্মল আমার, যেখানে যে উমেদারে  
 করিব দর্শন, সে চিত্র অঙ্কন করি,  
 লেখনী-তুলিতে অবিকল, এ দর্পণে  
 করিব স্থাপন ; সূচিত্রকরের করে  
 স্বভাবের শোভা যথা রম্য চিত্র পটে,—  
 শোভে মনোহর ; তদ্রূপ এ কাব্যে যেন,  
 স্বভাবসম্ভূত চিত্র, হয় প্রদর্শিত  
 মাতঃ ! তোমার প্রমাদে ; অধম তনয়,  
 এই ভিক্ষা যাচে আজি ক্লুতাঞ্জলি পুটে ।

## দ্বিতীয় সর্গ ।



প্রাচীন ভারত এই, লীলা—নিকেতন  
 রতন-সম্ভব বলে, খ্যাত ধরাতলে ।  
 শত শত কীর্তিস্তম্ভ—(ভূতলে অতুল্য  
 রূপে), বিরাজে যথায় । অশ্বত্থ-পাদপ  
 যথা তরু কুলেশ্বর ; নগেন্দ্র বলিয়া  
 খ্যাত হিমাদ্রি যেমতি ; বিহঙ্গম-কূলে  
 যথা বিনতা-নন্দন ; কহিনুর মণি,  
 রতন নিকরে যথা লভে বহুমান ।  
 গাভী-কূলে পূজ্যতমা কামদুঘা যথা ;

গঙ্গ-কূলে ঐরাবত ; অশ্বে উচ্চৈঃশ্রবাঃ ;  
 জাহ্নবী, সরিত কূলে যথা পুণ্যবতী ;  
 নৃপ-কূল শিরোমণি শ্রীরাম যেমন ;  
 তদ্রূপ ভারত পূজ্য সৰ্ব্ব জন স্থানে—  
 নাহিক তুলনা । প্রকৃতির প্রিয়ভূমি  
 করি এ ভারত ; অপূৰ্ব্ব-কৌশলে বিধি  
 করেন নির্মাণ । অতুচ্চ প্রাচীর প্রায়  
 শোভে গিরি-শ্রেণী ; পয়োধি, পরীখাকারে  
 নিয়ত বেষ্টিত । হেরিয়া সুষমা হেন—  
 সুন্দর-গঠন, প্রকৃতি-সুন্দরী ধরি  
 পূর্ণ কলেবর, সতত করেন বাস  
 ভারত ভবনে ; রক্ষিতে সতীর মান .  
 বিধাতা আপনি যেন ত্যজি সুরপুর,  
 নিবাসেন সদা এ ভারতে ; সে কারণে  
 “ভূস্বৰ্গ” বলিয়া খ্যাত ভারত ভুবনে ।

উদীচি মণ্ডলে অই হিমগিরি বর—  
 অভেদ্য দূরতিক্রম্য অতি উচ্চতর,  
 প্রসর প্রাচীর সম পূৰ্ব্বাপর ভেদি,  
 নিয়ত বিরাজে । তদুপরি শ্বেত শৃঙ্গ  
 গিরি সমুন্নত, রক্ষিছে সতত যারে,  
 (প্রহরী যেমতি) রুদ্রবেশে ; অভ্রভেদী  
 দেব ডাক্তা যেন, জলদ-নিলাদ—ছলে



করিত জগতে যার বিজয় ঘোষণা ।  
 দক্ষিণে পয়োধি অই পরীক্ষা আকারে,  
 নিয়ত রক্ষিত যারে অরিকুল হ'তে ।  
 প্রাচী ও প্রতীচি কুলে, শোভে গিরি কত-  
 দুর্ভেদ্য প্রাচীর যেন । ঘাট গিরিদ্বয়—  
 অসহ অর্ণব-বেগ সহি যার তরে,  
 অনারামে সহ নাম লভিল জগতে ।  
 মধ্যস্থলে বিদ্যাগিরি ভেদিয়া অম্বর—  
 “জয় স্তম্ভ” ব'লে যার দিত পরিচয় ;  
 আর্ঘ্যের মহত্ব আর বীরত্ব-অপার,  
 নিয়ত করিত যেন জগতে প্রচার ।  
 কোথায় সে দিন হায় ! হিন্দু হীনবল,  
 যবনের সুখ-সূর্য্য চির অন্তগত ।  
 বিজিত ভারত তবু স্বভাবের গুণে,  
 বিজয়ীর বশঃ এবে করিছে ঘোষণা ।  
 কে, বলে ভারত-বাসী—অক্লতজ্ঞ হায় ।  
 অন্ধ যেই, জ্ঞান-চক্ষু করি উন্মীলন,  
 নর দূরে থাক, দেখুক স্বাবরে তার  
 প্রত্যক্ষ প্রমাণ । দক্ষিণে ঐ নীলাচল  
 বীর দর্প স্বরে, নিষেধিত পুনঃ পুনঃ  
 বহিঃ শত্রু গণে যেন পশিতে ভারতে ।  
 যখন ভারত হায় ! ছিলরে স্বাধীন,

উড়িত বিজয় কেতু লভে অব্যাহত ।  
 শুনিত তখন তাহা অরাতি মণ্ডল ।  
 তথাপি এখন, বর্তমান রাজ-আজ্ঞা—  
 করিছে জ্ঞাপন । পুষ্পিত ফলিত মরি,  
 তরুলতা কুল ; উন্নত-শীর্ষক-শস্য  
 জনমে যথায় ; নিয়ত বিহরে যাহে—  
 বিচিত্র-বিহঙ্গ কত বিবিধ প্রকার ;  
 নানা জাতি প্রজাপতি—শোভায় অতুল,  
 তুরগ-তুরঙ্গ ; আর কুরঙ্গ কুরঙ্গী,  
 বাহার অপাঙ্গ নেত্র হেরি কুলাঙ্গনা  
 শিখিল অনঙ্গ দৃষ্টি ; সে সবার মাঝে,  
 মাতঙ্গ প্রধান । বিহঙ্গম দলে শুন  
 কোকিল-কুজন ; নর্তক নর্তকী অই  
 খঞ্জন খঞ্জনী কিবা নয়ন রঞ্জন ।  
 বসন্ত আগমে-তরুলতাচয় কত  
 বিবিধ ভূষণে করে তনু আচ্ছাদন ।  
 চম্পক বকুল বেলি হলে বিকসিত,  
 মলয় অনিল হরি পরিমল তার,  
 বিতরে সবার । পুণ্যদা তোয়দা অই—  
 গঙ্গা ভাগীরথী-অকাতরে করিতেছে  
 যথা বারি দান । যার অন্তে পরিপুষ্ট  
 বিদেশীয় গণ, বিপুল বৈভব-সুখ

লভিতেছে কত অকাতরে, সে ভারত  
 দীন এবে, হায় ! নিজ দোষে ; অনাভাবে  
 শীর্ণকায় মলিন বদনে, ভ্রমিতেছে  
 নিরন্তর উমেদার-বেশে ব্যগ্র চিতে ।

হায় ! এভারত যবে ছিলরে স্বাধীন—  
 বাণিজ্য কারণে সবে পশিত সাগরে—  
 অবহেলে ; জাতিধর্ম রক্ষিয়া সাদরে ;  
 হিন্দু দাঁড়ি কর্ণধর, হিন্দু সদাগর,  
 হিন্দুর আহাৰ্য্য মাত্র থাকিত সম্বল ।  
 তখন ভারতে নাহি ছিল অপ্রতুল ।  
 আবার যখন হায় ! হ'ল পরাধীন ;  
 যদিও যবন তারে করিত পীড়ন ;  
 যদিও স্বধর্ম্যচূত হ'ত আৰ্য্য-সুত ;  
 তথাপি ভারতে নাহি ছিল এ ক্রন্দন ।  
 এখন হয়েছি মোরা সোভাগ্যের দাম,  
 সুখ্য সেব্য দ্রব্য কত করি উপভোগ,  
 যামিনীতে নিরাপদে সুখে নিদ্রা যাই ;  
 কোন অনাটন নাহি ভারত-সংসারে,  
 এক মাত্র অন্ন-দায়ে ভ্রমি দ্বারে দ্বারে ।  
 “কেন এ দুর্দশা আজি নিরাখ ভারতে ?”  
 সিজ্ঞাসিলে, কোন নরে, দিবে এ উত্তর ?  
 অসঙ্কোচ চিতে—“বাণিজ্যের লোভে আসি

বণিকের দল, রথ পণ্য বিনিময়ে  
 হরিছে রতন ; তাহাদের নাম কত  
 বলিব এখন, আত্ম-দুঃখে স্থিতি হারা  
 হইয়াছি হায় ! ; এদিকে বিলাস-প্রিয়  
 বঙ্গ-সন্তান, বিলাসের তরে ক্রমে  
 বিসর্জিল ধন ; “বাণিজ্যে বসতে লক্ষ্মীঃ”—  
 এমন ভুলিয়া, উমেদার-বেশে সবে  
 অর্থের কারণ, ভ্রমিতেছে দ্বারে দ্বারে  
 ক্ষুণ্ণ ব্যগ্র-চিত্তে । অর্থের সংস্থান নাই  
 কে করে ব্যবসা ; যার আছে, কি দুঃখে সে  
 যাবে হেন কাজে ; বিদেশী-বণিকে হেরি  
 একতা বন্ধনে, বাণিজ্য-কারণে সবে  
 নৃজিয়া কোম্পানী করে মূলধন ; কিন্তু  
 হায় ! বলিতে বিদরে হিয়া—দুঃখাঘাতে ।  
 বঙ্গের সন্তান অহো ! আজি অবিশ্বাসী,  
 অর্থের কারণে—পিতাপুত্রে নাহি হেরি  
 প্রকৃত মন্ডাব । এদিকে শিক্ষিত-মোরা  
 নবীন-ভাষায়, নবীন-প্রবন্ধে করি  
 জ্ঞান উপার্জন, নব নব খাদ্য-বস্ত্র  
 করিয়া ভক্ষণ, স্নানভ্য হইয়াছে সবে  
 পিতামহ হ’তে । বঙ্গের সামান্য-জাতি  
 তুচ্ছ-মূলধনে, বহিছে মস্তকে ভার

ব্যবসা কারণ ; অপ্রবাসী ঋণ-হীন  
 হইয়া তাহারা, সংসারে পরম-সুখে  
 করিতেছে বাস, দাসত্ব-শৃঙ্খল পদে  
 কভু নাহি পরে । বাজারে যাইতে মোরা  
 ঘৃণা করি মনে, কেমনে বহিব ভার  
 এ উষ্ণ-মস্তকে, যান বিনা ক্রোশাধিক  
 গমনে অক্ষম, কিরূপে করিব তাহে,  
 নীচ-জনোচিত কার্য্য হাসিবে সকলে ।  
 হায় ! একারণে সবে হয়ে নিরুপায়,  
 দাসত্ব-শৃঙ্খল মাত্র পরিতেছি গলে ;  
 ভোজনে বিশ্রাম নাই, শয়নে আরাম ;  
 প্রভুর কার্য্যেতে সদা করি দেহ ক্ষয় ।  
 এদিকে কুটীরে তব জনক জননী—  
 ভকতি-আধার ; কিম্বা প্রিয়তমা-পত্নী,  
 সন্তান সন্ততি ; প্রাণোপম-সহোদর ;  
 সতত চিন্তিত তব স্বাস্থ্যের কারণে ।  
 অথবা আবাসে যদি, অস্তিম-শয়নে  
 কেহ করেন শয়ন ; পাইলে সংবাদ  
 হেন চরম সময়ে । স্বদেশে যাইতে  
 তব মানস-বিহঙ্গ, উড়িবার তরে  
 কত করিল যতন ; কিন্তু মৃত্যু তুমি,  
 বাঁধিয়া রেখেছ তারে দাসত্ব-শৃঙ্খলে

হায় ! কঠিন-বন্ধনে । ছেদিতে নিগড়  
 সেই, বিনয়-ক্লপাণে, করিলে যতন ;  
 ব্যর্থ হল অভিলাষ, বাড়িল সন্তাপ ।  
 এদিকে সংসারে তব, শোক-হুতাশন—  
 জ্বলিল প্রবল-বেগে ; কে নির্ঝাণে তার ।  
 প্রবাসে রহিলে তুমি, পরিবার-বর্গ  
 তব শোকে অচেতন—অবসন্ন-কায়,  
 তাদের সে শোক-অশ্রু কে করে মোচন ।  
 হায় রে ! যখন তুমি, সে শ্মশান-বাসে  
 পুনঃ করিবে গমন ; বাড়িবে আশঙ্কা  
 মনে—কেমনে দেখাব মুখ বন্ধু-গণে ।  
 জমিদার গৃহে যারা জীবিকা নির্ঝাহে,  
 তাদের এহেন দশা কচিৎ সম্ভবে ।  
 জমিদার গণ, আশ্রিত জনের প্রতি  
 সদা অনুকূল ; একারণে তদাশ্রয়  
 লভিবার তরে, সবে করে আকিঞ্চন ।

পাঠক ! শুনিলে তব বিদরিবে হিরা,—  
 কোন কোন আদালত—পুলিশ বিভাগে,  
 জ্বলন্ত-প্রমাণ তার করিলে দর্শন ।  
 যার গর্ভে জন্মি মোরা এ মহী-মণ্ডলে—  
 অগ্ন জীব হতে, উন্নত-মানব বলে  
 করি অহঙ্কার ; যার স্তন্য ধারা বহে

অজীবন কায়ে ; সে প্রসূতি পরলোকে  
 করিছে প্রয়াণ ; প্রবাসে সন্তান তাঁর  
 দাসত্বে নিরত ; হেরিলনা মুঢ় তারে  
 অস্তিম-শয়নে । অভাগিনী শেষ অশ্রু  
 করি বিমোচন হায় ! মুদিল নয়ন ।  
 এদিকে বিদায় তরে অভাগা সন্তান,  
 প্রভুর গোচরে করে বৃথা উমেদারী ;  
 নিরাশা হইয়া শেষে ত্যজি শোক-ভার,  
 কাচা পড়ি আদালতে করেন গমন ।  
 কি করে 'অনের দায়ে ত্যজিতে না পারে  
 হেন দুর্লভ-চাকরী ; সে কারণে এত,  
 মহে মনস্তাপ । হায়রে দাসত্ব ! তোরে  
 ধন্য শত শত, কি কুহকে ভুলাইলি  
 বঙ্গীয় সন্তানে তাহা বুঝিতে না পারি ।  
 যাহারা শিক্ষিত, আছে সহায়, সম্বল,  
 উমেদার-বেশে তারা ভ্রমে কদাচিত ;  
 অন্ন-কষ্ট নাহি যার কমলা-কুপায়,  
 কি দুঃখে সে করিবে ভ্রমণ, হেন বেশে ।  
 উপযুক্ত-পদ কোথা ( ৬ ) হলে অবসর,  
 সহায়তা বলে তার পূরে মনোরথ  
 অন্যায়সে । কিন্তু যারা সহায়-বিহীন,  
 কপর্দক মাত্র যার নাহিক সম্বল,

কি করে জঠর দায়ে ত্যজি দ্বারা স্মৃত,  
উমেদার হয়ে তারা ভ্রমিছে নিয়ত।  
হায় রে ! দুঃখের কথা বলিব বা কারে,  
স্বযোগ্য হইলে কেহ সে সবার মাঝে,  
তথাপি তাহারে, উপযুক্ত বলি প্রভু  
করেনা বিশ্বাস। কটিতে মলিন-বাস,  
অংশে উত্তরীয় ; জামা কিম্বা ঘড়ী চেন  
নাহি অভাগার, যোগ্যতার পরিচয়  
দিবে সে কেমনে ?। হেন উমেদার-দুঃখ  
নিরখি কেবল, কিম্বা হয়ে ভুত ভোগা,  
ধরেছি লেখনী হায় ! অতি মনোদুঃখে—  
হেন উমেদার-চিত্র করিতে অঙ্কণ—

শত-বর্ষ পূর্বে যার নাম উচ্চারণে।  
ভারতের হৃৎকম্প হ'ত মূল মূলঃ ;  
এখন সে উমেদার—ভারত-ভ্রমণ,  
পথে পথে অবিরত করিছে ভ্রমণ।  
যদ্যপি গৃহীর দ্বারে রহে সারমেয়,  
গাহ'ন্ত্য ধর্মের দায়ে, অন্ন-মুক্তি মের ;  
প্রদানে তাহার। কিন্তু কোন উমেদার,  
ক্ষুধাতুর হয়ে যদি সতের আবাসে  
আসি দেয় দরশন ; অন্ন দূরে থাক,  
কটুভাবে উপহাসে সম্ভাষি তাহার,



বিদূরিত করে হায় ! ফিরায়ে বদন ।  
 তবু ক্ষান্ত নহে সেই, ক্রমে অগ্রসর—  
 য়ণা লজ্জা অভিমান করি পরিহার ।  
 হায় “রে বিধাতঃ ! তুমি অতি নিদারুণ”  
 এরম্য-সংসারে কেন সৃজিলে মায়ায় ;  
 যার পরবশে, ব্যাকুল-অন্তরে নর  
 ভ্রমিছে ধরায় । পুত্র কন্যা পরিবার—  
 স্নেহের আধার, গড়িয়া বিরলে পুনঃ  
 সুখ দুঃখ নিরমিলে ভোগ্য বস্তু সহ ।  
 নতুবা বিশ্বয়ী আর উমেদারে এত,  
 আশ্রয় আশ্রিত ভাব থাকিত সংসারে ?  
 কে জানে মানস তব মহিমা—অপার,  
 কিভাবে নির্মাণ কর মানব-প্রকৃতি ;  
 থাকুক, সে উচ্চ ভাব তোমার অন্তরে,  
 নিরখি সংসার-গতি নিন্দিব তোমায় ।



## তৃতীয় সর্গ ।



বঙ্গে নিবাসেন যত রাজা জমিদার,  
অতুল-বিভব ক'র, প্রভুত-সম্মান ;  
দেবার্চনা, অভ্যাগত—অতিথি সৎকার,  
প্রাত্যহিক সদাশ্রিতে বিখ্যাত সংসারে ।  
রাজ-কার্য্যে যবে হবে লোক প্রয়োজন,  
তখন তাঁহারা সবে করেন নিয়োগ ।  
উচ্চ, নীচ মধ্যবিধ বিবিধ মানব;  
প্রভুর কার্য্যেতে করি আত্ম সমর্পণ,  
জীবিকা নির্বাহ করে, সহ পরিজনে ।  
সে আশয়ে দলে দলে উমেদার গণ,  
বিষয়ীর বাসে হায় ! ধায় ব্যগ্র-চিত্তে ।  
লোভের কুহকে পড়ি করি-যুথ যথা,  
কঠিন-নিগড় পরে আজীবন-তরে ।  
তদ্রূপ মানবগণ—লোভে অন্ধ-মন,  
দাসত্ব স্বীকার করি, জীবিকা নির্বাহে ।

হায় রে ! লজ্জার কথা বলিব কি আর,  
চাকরীর সংখ্যাধিক হ'ল উমেদার ;  
হেরি তাহা, জমিদার হয়ে নিরুপায়,  
বিদায় করেন সবে দুঃখিত-অন্তরে ।

দেখিলে তাঁদের সেই উদারতা-ভাব,  
 ক্ষুধা তৃষ্ণা দূরে যায় ক্ষণ কাল তরে ।  
 কিন্তু তাঁহাদের মধ্যে কোন ভাগ্য-ধর,  
 পরুষ-আচার হয় ! করি প্রদর্শন,  
 কটু-ভাষে উপহাসে হরেন সন্মান,  
 হয় বিধে ! সে কারণে ইচ্ছি মরিবারে ।  
 যক্ষি-বিনা অন্ধ হয় ! গতি-শক্তি-হীন,  
 পদে পদে বিচলিত হয় সে নিশ্চিত ;  
 একারণে সমাদরে রাখে তার মান ।  
 চক্ষুস্থান হয়ে অহো ! জন্মান্ন যেজন,  
 এক মাত্র নর-যক্ষি, অবলম্ব্য যার ;  
 সে যদি অবজ্ঞা করে উমেদার-প্রতি,  
 তার সম্মুখ বল কে আছে জগতে ।  
 কর-গত যক্ষি যদি ভাঙ্গে একবার,  
 অপর যক্ষির তরে হইবে ব্যাকুল ;  
 অবজ্ঞা প্রকাশে যারে করিল বিদায়,  
 হতে পারে, তারি তরে হবে লালায়িত  
 যখন ছিলনা বক্ষে এত উমেদার,  
 তখন তাদের অহো ! ছিল সমাদর ।  
 অতিরিক্ত যক্ষি-অন্নে, ঘৃণা জন্মে তার ;  
 অতিরিক্ত বস্ত্র হ'লে, দলি পদতলে ;  
 অতিরিক্ত শস্য হ'লে দরে সস্তা হয় ;

হায় রে দুঃখের কথা হায়রে এখন,  
একাধারে উমেদার ধরে এ ত্রিগুণ ।

কোন কোন জমিদারে না পেয়ে দর্শন,  
হায় ! গ্রহদোষে, অন্তর-বাসনা করি  
অন্তরে গোপন ; বাহ-কর্ত্তা মন্ত্রী তাঁর  
হইলে সদয়, উমেদার-ভাগ্যে তবে  
ফলিবে সুফল, নতুবা দুর্ভাগ্য তার ।  
কোন জমিদারে, নিয়ত আকুট হেরি  
সন্দেহ দোলায় ; জগতে কাহারে নাহি  
করেন বিশ্বাস । স্বয়ং যদি ভগবান  
সাক্ষ্য দেন তার, তথাপি সে ভ্রম দূর  
হয় কদাচিত । এদিকে অমাত্য-গণ .  
লুটিছে ভাঙার, কে করে সন্ধান তার ;  
কিন্মা ধর্ম-ভয়ে, নাহি হয় প্রতিকার ।  
দরিদ্রের পক্ষে বিধি হইয়া সদয়,  
প্রভুর প্রকৃতি হেন গড়েন বিরলে ।  
যেখানে স্ত্রীলোক কত্রী, মন্ত্রী সর্বেশ্বর ;  
প্রায়শঃ তথায় আশা, নহে ফলবতী,  
স্বার্থ মূর্ত্তিমূর্ন সদা । স্বার্থপর-মন্ত্রী  
কা'র হলে পরিচিত, পূরিবে বাসনা ;  
পরব্রহ্ম-জ্ঞান তথা—এক অদ্বিতীয় ;  
কিন্তু হায় ! কি আশ্চর্য্য নাহি ভ্রাতৃ-ভাব ।

যোগ্যতার পরিচয় না হয় সে স্থানে ।  
 পক্ষপাত-হীন মন্ত্রী বিরাজেন যথা,  
 বিষয় কর্ণের সুখ জন্মে সেই স্থানে ।  
 কোথাও অমাত্য-চক্র অতি ভয়ঙ্কর ;  
 হেরিলে তাদের ভাব হেন জ্ঞান হয়—  
 স্বর্ণ-লঙ্কাপুরী যেন রক্ষে রক্ষোদল ।  
 সাধ্য কি সহসা কেহ পশে অনায়াসে—  
 রঘুবর-বর রূপ সোপারিশ বিনা ।  
 কোন জমিদার হায় ! করেন প্রকাশ,—  
 “অন্নদার্যে উমেদার আসিছে নিয়ত  
 মম সন্নিধানে ; সে কারণে নিরুপারে  
 অমাত্যের পদ তারে করি সমর্পণ ।”  
 এদিকে সে হতভাগ্য করি প্রাণ-পণ,  
 দাসত্ব স্বীকারে করে আত্ম-সমর্পণ ।  
 যদি সে অমাত্য-পদ শূন্য না থাকিত ;  
 অথচ নূতন-পদ হ’ত তার তরে,  
 তবে সে মনের ভাব উচ্চ ব’লে মানি ।  
 বঙ্কের ভূষণ যারা ভরসার স্থল,  
 দরিদ্রের দুঃখ দূর করিবেন সদা,  
 হেন পর-উপকারী হ’ত যদি সবে  
 এ বঙ্কে দারিদ্র্য-দুঃখ থাকিত না আর ।  
 কোন কোন ঋদ্ধিমান—বঙ্কীয় সন্তান,

স্বোদর পূরণে রত, নিত্য নব নব  
বাড়িছে খরচ তাঁর ; হায় ! একারণে,  
পর উপকারে তিনি একান্ত বিমুখ ।  
কেহবা বিবাদ করি বিষয় রক্ষণে,  
সর্বস্বান্ত হয়ে রুথা করে অনুতাপ ।  
এরূপে উচ্ছিন্ন হ'ল কত জমিদার  
হায় ! নিজ দোষে । এ হেতু স্বদেশ-প্রিয়  
জমিদারগণ, জমিদারী-পঞ্চায়ত  
করেন সৃজন ; কি ফল ফলিবে এতে ;  
বুঝিতে না পারি, ভবিষ্যৎ গর্ভে তাহা,  
আছে লুক্কায়িত ; একতা বন্ধনে মোরা  
নহি অগ্রসর, আত্মীয়-দুর্দশা সবে .  
হেরি দূর হতে মহাসুখে । সে কারণে,  
ঘটিয়াছে বঞ্চে হায় ! দশা-বিপর্যয় ।

এখন স্বভাব-দোষে অবিশ্বাসী নর,  
প্রকৃত-ধর্মের তত্ত্ব জানে ক, জন । ?  
বন্ধের ভিতর, শতকে বিংশতি মাত্র  
হয় কি না হয় । হেন উমেদার দলে  
প্রকৃত-শিক্ষিত লোক অতীব বিরল ।  
একারণে অশিক্ষিত উমেদার যারা,  
অশেষ প্রকারে করে কত অত্যাচার ।  
স্থানান্তরে কেহ করি বেষ্টালয়ে বাস,

বচন-কৌশলে হরি অবলার মন,  
 হায় ! অনায়াসে ; ক্রমশঃ সে নরাধম  
 পশি তার হৃদে, সর্বেশ্বর-কর্ত্তা হয়  
 যথা পরিণয়ে ; সরলা বুঝিতে নারি,  
 শঠের হৃদয়, হারায়ে সম্বল শেষে  
 করে হায় ! হায় ! হরিয়া সর্বস্ব তার  
 শঠ-শিরোমণি হায় ! গিয়াছে কোথায় ।  
 কোন উমেদার হয়ে বেষ্টায় আমন্ত,  
 তুষিতে তাহার চিত, হয়ে নিরুপায়,  
 পরস্ব হরণ করি, যায় কারাগারে ।  
 হেন উমেদারে বল কে দিবে আশ্রয় ?  
 “উমেদার” নাম মাত্রে অবিস্থানে হবে ।  
 একারণে, ভদ্র যদি হয় উমেদার—  
 পড়ে সে সঙ্কটে ; বলিতে লজ্জিত হায় !—  
 “আমি উমেদার” । একের পাপেতে ভোগে  
 অন্তে অপমান, এর নাহি প্রতিকার ।

স্বভাব কাহারো নাহি থাকে অপ্রকাশ,  
 সময়ানুকূলে—অবশ্য ঘোষিবে তাহা  
 এ নর সমাজে । দুর্জ্জন, চাকরী যদি  
 লভে দৈব-বশে, প্রভুর সে সর্বনাশে  
 হয়ে দৃঢ়-পণ, স্বেদর পূরণ করি  
 করে পলায়ন । সে কারণে জমিদার,

উমেদার প্রতি, বিশ্বাস স্থাপনে হয় !  
 নিতান্ত অক্ষম । উমেদার ব'লে কেহ  
 দিলে পরিচয়, অমনি তাঁদের হয়  
 যুগার সঞ্চার হয় ! কাল-চক্র-বশে ।  
 শেবে, পরিচয়ে কিন্না সদালাপে তার,  
 সদসৎ-জ্ঞান চিতে করেন ধারণ ।  
 বহু অপচয় সহি জমিদার-গণ,  
 ভাবি ভবিষ্যৎ, জামিনের প্রথা সবে  
 করেন সৃজন । তদবধি জামিনের  
 এত বাড়াবাড়ি । জামিনব্যতীত কেহ,  
 কর্ত্ত নাহি পায় ; কাল-ধর্ম্ম অনুসারে  
 এপথ প্রশস্ত । কিন্তু তাহে এই মাত্র  
 দুঃখ হয়মনে, এক দরে বিকাইছে—  
 কাচ কহিনুর । যদিও কার্য্যেতে তার  
 হয় পরিচয়, দরিদ্রের পক্ষে কিন্তু  
 নহে সুবিচার । সুবিশ্বাসী, কার্য্যক্ষম—  
 সহায়-বিহীন, ভাগ্যে যদি ঘটে তার  
 উপযুক্ত পদ ; নিজের সম্পত্তি নাই  
 কে, হবে জামিন ? হতাশ্বাসে হতভাগ্য  
 করয়ে প্রশ্নান । সতের পরীক্ষা হয় !  
 কে করে কোথায় ; কোথায় দরিদ্র-মান—  
 থাকে অব্যাবিত ! । যথা যাবে হতভাগ্য



করিবে শ্রবণ—“জামিন সংগ্রহে যেই  
হইবে সক্ষম, লভিবে ঐ যোগ্য-পদ  
মেই ভাগ্যবান।” শুনিয়াছি দ্রৌপদীর  
লক্ষ্য-ভেদী-পণ ; “ব্রাহ্মণ ক্ষত্রিয় বৈশ্য  
শূদ্র নানা জাতি, যে বিক্ৰিবে, পাইবে সে  
কৃষ্ণা-গুণবতী।” তদ্রূপ জামিন দিতে  
যে হবে পারগ, লভিবে ঐ পদ হয় !  
মেই ভাগ্যধর। যেমন হয়েছে কাল,  
তেমনি বিচার হয় ! ধনীর কি দোষ।

জমিদারশ্রয় ভিন্ন ভারত-ভিতরে  
আছে বহু স্থান, রেলওয়ে ট্রামওয়ে,  
মহাজন ঘরে, ফৌজদারী আদালতে  
ইউসে, দোকানে কিম্বা পুলিশ-বিভাগে,  
করিছে বিষয় কত, বজ্জের সন্তান।  
সর্বস্থানে সমভাব উমেদার ভালে।  
এক মাত্র জমিদার নহে লক্ষ্য স্থান;  
দর্পণে, সে সব দৃশ্য পাইবে দেখিতে।  
রেলওয়ে আদালতে কর্ম খালি হলে,  
সহসা তথায় কেহ প্রবেশিতে নারে।  
প্রথমে অফিশে দবে কার্যশিক্ষা করে,  
পদ শূন্য হলে তাহা পাইবে নিশ্চিত।  
কত যে দুর্দশা তথা ভোগে উমেদার—

বর্ণিতে অক্ষম ; এপ্রেন্টিস্ খাতে যারা  
 লিখে নিজ নাম, হায় ! আশার আশ্বাসে ;  
 সূর্য্য-ব্রতচারী সম থাকে উর্দ্ধপানে,  
 ত্যজিতে না পারে ব্রত, উভয় সঙ্কট ।  
 কেবল গণিছে দিন হা হতোদ্বিকরি ;  
 যতই পূর্ব্বের পাপ হবে বিদুরিত,  
 ক্রমশঃ চাকরী তার হয় সন্নিহিত ।  
 পুলিশে বিশেষ বিধি আছে প্রচলিত,  
 সহসা তথায় কেহ ফল নাহি পায়,  
 অথবা সভয়ে আশু না চায় পশিতে ।  
 শিক্ষা বিভাগেতে বটে ছিল সুনিয়ম,  
 যে যেমন উপযুক্ত লভিত সে পদ ।  
 কিন্তু কি দুঃখের কথা সময়ানুসারে,  
 পশিয়াছে স্বার্থ তথা, সুযোগ্যের ভাগ্যে  
 কতু প্রসবে কুফল । অপর বিভাগে  
 শুনি ( গবর্ণমেন্ট বিনা ) নুজহস্ত করি  
 কেহ লভিছে সুফল । কোথাও সুবিধা  
 নাহি হেরি উমেদার, হয়ে নিরুপায়,—  
 জমিদার গৃহে আসি করয়ে রোদন ।  
 সেখানেও স্থানে স্থানে এরীতি চলিত ;  
 নিয়োগ কর্ত্তার ভাগ্যে ঘটে সে সকল ।  
 কোন স্থানে, খাঁটি যেকি চেনা নাহি যায়,

চিনিতে যে পারে, সেই ধন্য জমিদার ।  
 স্বল্প-আয়ে শিক্ষকতা করি কিছু দিন,  
 পশিয়াছে কতলোক জমিদারাত্রেয়ে ।  
 তথায় তাহারা স্বীয় কার্য্যতার গুণে,  
 করিয়াছে সমুন্নতি উভয় পক্ষেতে ।  
 তথাপি শিক্ষিত লোক হয় সেই খানে ।  
 বিশেষ, ইংরাজী যদি না জানে সেজন,  
 পাটয়ারি-যোগ্য হয় ! হয় কোন স্থানে ;  
 এদিকে সে হতভাগ্য বাল্যকাল হ'তে,  
 জমিদারী, মহাজনী, সাহিত্য বিজ্ঞান  
 পাণ্ডি-গণিত বীজ-গণিত পরিমিতি  
 আদি সারবে জ্যামিতি ; শনৈঃ শনৈঃ শিক্ষা  
 লভি অবশেষে ; নর্মালে উত্তীর্ণ হয়  
 তৃতীয় বর্ষেতে ; বি, এর সমান প্রায়  
 পড়ি রীতিমত, জমিদারাত্রেয়ে হয় !  
 না পায় সম্মান । দৈব-বশে তথা কোন  
 পদ শূন্য হ'লে, প্রবেশিকা-পরীক্ষায়  
 উত্তীর্ণ যে জন ; পশ্চাত্য-ভাষার গুণে—  
 অগ্রগণ্য হবে সেই, সে অভাগা হ,তে ।  
 অথচ ইংরাজী তথা নাহি প্রয়োজন,  
 জমা ওয়াশীল-লতা, রোকড়, শুমার—  
 পশেনাই কভু তার বিশদ-শ্রবণে ।

কালের স্বধর্ম এটি বুঝিলাম সার ।  
 সুবিশ্বাসী-জন লভে মহাজন-ঘরে  
 বহু সমাদর ; বিশ্বাস বিনষ্ট হলে  
 তিলেকের তরে, তথা পাইবেনা স্থান ।  
 একাধারে কত ক্লেশ সহে উমেদার,—  
 ( বলিতে বিদরে হিয়া স্মরিলে সে দুখ )  
 দারিদ্র্য, বিষয়-চিন্তা, পথ-পর্যটন,  
 প্রবাস-জনিত-ক্লেশ, স্বজন- বিরহ  
 ক্ষুধা, তৃষ্ণা, মহিষুতা, অনিদ্রা, নিষ্কণা  
 অপমান, একাদশ হলে সংঘটিত,  
 প্রকৃত সে উমেদার কালের নিয়মে ।  
 তার মাঝে পশে যদি, চৌর্য্য-লম্পটতা,  
 মণি-কাঞ্চনের যোগ হয় অবশেষে ।



## চতুর্থ সর্গ ।



আষাঢ়ে বরষা-ঋতু দিল দরশন,  
 আম, জাম, পনসাদি পাদপ-নিচয়,  
 মতেজ-শরীরে হ'ল ফল-ভারে নত ।  
 গগন-ব্যাপিত সদা জলধর-দল,  
 মুহু মুহুঃ বারি-ধারা বর্ষে অবিরল,  
 অভিষিক্ত হ,ল ধরা ; এহেন সময়,  
 কার মার্ধ্য স্থানান্তরে যায় অনারাসে ।  
 সু-পথ, বিপথ হ'ল, কুপথ সু-পথ,  
 কলি-ধর্ম যেন তারা মানবে দর্শায় ।  
 বাপী, কূপ, সরোবর—পূর্ণ-কলেবরে,  
 প্রকাশিছে গর্ভ যেন নরে উপহাসি ।  
 দ্বিগুণ-প্রবাহে যত নদ নদী চয়—  
 তীর অতিক্রমি ; চলিছে সাগরে যেন  
 প্রকাশি গৌরব । নিদাঘ-দুর্দিন হায় !  
 আসিবে যখন, তাদের এ মোহান্বতা,  
 এহেন গৌরব খলু স্মৃতিবে অচিরে ।  
 ধন, মান পদ'কা'র নহে চিরদিন ;  
 জানে নর,—সুখ দুঃখ নিয়তি-অধীন ;  
 তবু ভ্রান্ত হয়ে সবে প্রকাশে গরিমা ।

একালে নিরন্ন হয় শ্রমজীবীগণ—  
 মজুরি ব্যবসা যার পল্লীতে নিবাস ;  
 অন্নাভাবে শীর্ণ-কায় বিশুদ্ধ-বদন,  
 ভগ্ন-কুটীরেতে বারি ঝরে অবিরত,  
 তিল মাত্র স্থানাতাব থাকে নিরাপদে ।  
 সিক্ত-বস্ত্র সিক্ত-কায় তাহে ম্যালেরিয়া,  
 নিষ্পেষিত করে তারে, প্রাণ ওষ্ঠাগত ।  
 সন্তান সন্ততি যবে হয়ে ক্ষুধাতুর,  
 ধরাসনে পড়ি হার ! করয়ে রোদন ;  
 হেরিলে সে দশা তার, বিদরে হৃদয় ।  
 কোন পল্লী জলাকীর্ণ হয় একেবারে,  
 শত শত জীব তাহে জীবন হারায় । .  
 কত শস্য ভেসে যায় আশু-ধান্য তায়,  
 কৃষক-দম্পতি বসি করে হায় ! হায় ।

বরষিছে বারিধারা বারিদ-নিকর,  
 বাহিরে যাইতে পারে হেন সাধ্য কার ।  
 এমন দুর্দিনে, অশ্বখ-পাদপ-মূলে,  
 বসিয়া বিরলে অ'ই এক উমেদার—  
 কি ভাবিছে মনে মনে, কে বলিতে পারে ।  
 গৌর-কান্তি-ধর-বপুঃ ছিল এককালে,  
 কুচিন্তা-অনলে এবে হয়েছে অঙ্গার ।  
 বদন মলিন হায় ! শীর্ণ-কলেবর,

কখন ভাবিছে মনে, কভু মৃদু-স্বরে,  
প্রকাশিছে হায় ! হেন অন্তর-বেদন ।—

“বিধি যার প্রতিকূল এমরত-ধামে  
কে করে তাহার ভাগ্যে সুখ সঞ্চালন ।  
রাজ-দ্বারে দোষী যেই, স্বকরম-ফলে ;  
ঘাতক, তাহার শিরে তুলে যদি অসি,  
কে নিবাহের তায় । দুঃখের আগারে লভি  
মানব-জনম, ( জীব-ভাগ্যে মর্ত্যে যাহা  
অতি সুদুর্লভ ) ; অজ্ঞান-তমসে যবে  
হিলাম আবৃত, ভাবি নাই কভু হেন—  
সংসারের গতি,—কালের নিয়তি আর  
মানব-প্রকৃতি ; যৌবন প্রারম্ভে হল,  
জ্ঞান অঙ্কুরিত ; হেন কালে অকস্মাৎ  
ললাট-গগনে, আবরিল কাল-মেঘ—  
অতি ভয়ঙ্কর ; দুর্নিবার-বাত্যা আসি  
উৎক্লিষ্ট করিল মোরে, দূরদেশান্তরে ।  
বাড়িল সৌভাগ্যে তথা ভোগ্য-বস্তু মনে—  
সুখ অহরহঃ ; ভুলিল অন্তর মম  
সে মোহ-মায়ায়, অমনি হেলায় হায় !  
সুখ-সেব্য মাতৃ-ভূমি ঠেলিলাম পদে ;  
সে পাপে ঘটিল বুঝি দশা-বিপর্যায়,—  
কালের দশনে হায় ! সংসার-বন্ধন,

অকালে বিছিন্ন হ'ল জন্মের মতন ।  
 টলিল আশ্রয়-তরু-আত্মীয় স্বজন,  
 অহো ! ঘোর আন্তর্নাদে, সেবন্ধনচ্ছেদে ।  
 ভাঙ্গিল সুখের স্বপ্ন, মোহ-নিদ্রাসনে—  
 সে ভীম-নিনাদে । অমনি উড়িল নভে,  
 এমুঢ় বিহগ—আশ্রয়ান্বেষণে হেন,  
 উমেদার-বেশে । জানিনা সাঁতার হায় !  
 সংসার-মাগরে, কে দিবে আশ্রয় আজি,  
 এ অভাগ্য-জনে—বিধাতা নিমুখ যার ।  
 কেহ বা চিন্তিবে—“আশ্রয়-পাদ্ধিপ যার  
 ছিল উচ্চতর, সে সুখের স্থান মূঢ়  
 ত্যজে কি কারণে ; অবশ্য হইবে দোষী ।  
 নতুবা কি হেন দশা রাখন সত্তবে ? ”  
 আপাত দর্শনে বটে, চিন্তিবে এমন ;  
 অন্তর-গগণে যদি পশে সে সুজন,  
 বুঝিবে মরম মম ; নতুবা অজ্ঞানে—  
 বলুক, জগত-জনে, নাহি ডরি তার ;  
 দোষী কি নির্দোষী আমি, জানে অন্তর্যামী ।  
 চতুর্দিকে অন্ধকার নিরখি কেবল,  
 শূন্য-নভস্তলে ; শীতল-সমীর নাহি  
 স্পর্শে এ শরীরে, অনল সদৃশ তাপ ।  
 বহে অনুক্ষণ, নিবারিতে সে সস্তাপ,



স্মৃতির সহায়ে ভাবি, কত গত-সুখ,  
 হায় মৃত আমি ; অমনি জ্বলিয়া উঠে  
 হৃদয়-নিলয় ; অশ্রু-বারি বরিষণে,  
 না হয় নির্বাণ ; হায় রে অশ্রয়-তরু !  
 দেখ আমি হেথা, তোমার সে প্রিয়পাখী—  
 যাহার সুস্বরে হায় ! মজি এক দিন,  
 দিয়াছিলে তবাত্ময়ে নির্মাণিয়া নীড় ।  
 বিবাদ-বিমানে আজি, অনন্ত-কালের  
 স্রোতে চলিছে ভাসিয়া ; কি দোষে ত্যজিলে  
 তারে, বল এবে, শুনিলে সে মর্ম্ম-কথা,  
 এ দগ্ধ-হৃদয় আশু হইবে শীতল ।  
 সপ্তর্থে, নিপুণ ভাবি ত্যজিলে হেলায় !  
 দেখ বিচরিয়া মনে—অভাগার করে,  
 কোন্ কার্য্য অসম্পন্ন ছিল আপনার ?  
 যখন যে আজ্ঞা মোরে করেছ রাজন !  
 হয় না স্মরণ, বিমুখ হয়েছি কি না  
 সে কার্য্য সাধনে ; তবে কেন হায় ! আজি,  
 উপেক্ষা করিলে মোরে বুঝিতে না পারি ।  
 আর কি হেরিব, তব প্রশান্ত-স্মৃতি ।  
 আর কি শুনিব, সেই স্নেহ-বচন ॥  
 অষ্টাদশ-বর্ষ পরে, মিটিল সে সাধ ।”  
 এতেক ভাবিয়া মনে উষেদার হায় !

বিগলিত অশ্রুধারা করিয়া মোচন,  
ধীরে ধীরে তথা হতে, করিল গ্রস্থান ।

হতভাগ্য-উমেদার ক্ষণকাল পরে,  
জমিদার-দ্বারে শেষে, হয়ে উপনীত,  
কহিছে অন্তরে—“এইত সে সু-বিস্তৃত  
সুন্দর-প্রাসাদ, মরি ! শোভা-মনোহর ;  
যার তরে এত পথ করেছি অটনু ।  
ঐশ্বর্যের খনি যেন, বাহুদৃশ্যে তার  
দেয় পরিচয় ; মম মন প্রাণ কেন,  
করে আকর্ষণ, বিধাতা সুদিন বুঝি  
দিবেন এখানে । অহো ভাগ্য ! নিষেধিছে,  
নিরাশা আসিয়া হার ! যাইতে আশ্রয়—  
হেন দরবারে । কি ফল দিবেন বিধি,  
বুঝিতে না পারি ; সারমাত্র বিড়ম্বনা ।  
আবার করিছে অই অঙ্গুলি-সঙ্কেত  
আশা-কুহকিনী ; যাই তবে, বিলম্বের  
নাই প্রয়োজন । মন্ত্ৰের সাধন কিম্বা  
শরীর পতন, এর, হবে একতর ।”  
এত ভাবি উমেদার স্মরিয়া ক্রীহরি,  
প্রবেশিল সোৎসাহে প্রাসাদ-ভিতর ।

দেখিল সম্মুখে এক সৌধ-মনোহর,  
দ্বিতল উপরে, জমিদারী কার্য্যতথা

হয় সম্পাদন ; দৌবারিক সাবধানে  
 ফিরিছে নিয়ত, তবু অবারিত দ্বার ।—  
 বিষয়ী, কি ব্যবসায়ী-বণিক, ভিক্ষুক,  
 কার্য অনুরোধে সবে পশে অনারামে ।  
 স্থানে স্থানে খাতা পত্র আছে শুপাকারে,  
 সারি সারি মস্যাধার—বিবিধ গঠন ;  
 লেখনী সহিত শোভে, অমাত্য-সম্মুখে ;  
 বিধির আদেশে, সুখ দুঃখ তাহে যেন  
 আছে লুক্কায়িত ; লেখকের করে ক্রমে  
 হয় প্রকাশিত । সর্বোচ্চ-আমনে বসি  
 অমাত্য প্রধান, গম্ভীর ভাবেতে নিজ  
 কার্যে নিযোজিত । অধীনস্থ কর্মচারী,  
 যথা যোগ্য স্থানে, সযতনে সাধিতেছে  
 কার্য আপনার । করেতে লেখনী দ্রুত  
 চলিছে সবার, কাহারো অপাঙ্গে দৃষ্টি—  
 অতি খরতর ; খেলিতেছে তাহে যেন  
 স্বার্থের লহরী, ভাবুক ব্যতীত তার  
 কে, বুঝে কারণ । অরিলে সে ভাব হয় !  
 অন্তরে উপজে ঘণা ; যাহার আশ্রয়ে,  
 সম্পদে বিপদে কত লভি উপকার,  
 সে হেন প্রভুর স্বার্থ করিয়া বিনাশ,  
 স্বীয় স্বার্থেকত নর ফিরে নিরন্তর ।

সমাগত প্রজাগণ সভয় অন্তরে—  
 কাঁপি থর থর, স্ব স্ব আবেদন তথা  
 করিছে জ্ঞাপন । শুনিয়া তাদের বাণী,  
 কিস্বা অভিযোগ, প্রধান অমাত্য তার  
 করেন বিচার । প্রজার প্রার্থনা পত্র,  
 নিকাশ, নিশস্ত আদি প্রয়োজন মতে,  
 সে সব সময়ে পেশ করেন পেকার ।  
 জমা-নবিশের করে কার্য্য গুরুতর,  
 জমা জমি হস্তবুদ—আয় সংঘটিত,  
 নিকাশাদি কাগজাত করেন শিজিল ।  
 সেজন ধার্মিক হলে, প্রভুর মঙ্গল ;  
 নতুবা সতত তিনি পান মনস্তাপ ।  
 তহবিল জিন্সা থাকে খাজাকীর করে,  
 আগত চালান জমা করিয়া রোকড়ে,  
 প্রভুর আদেশ মাত্র করেন খরচ ।  
 তহবিল মিল যদি থাকে প্রতি দিন,  
 উপযুক্ত খাজাকী সে প্রভুর গোচরে ।  
 শুমার-নবিশ বসি লিখিছে শুমার,  
 প্রতিমাসে যে বাবদে যত ব্যয় হয়,  
 মাসান্তে হিসাব তার করিবে প্রস্তুত ।  
 মুনসী লিখিয়া লিপি আনতবদনে—  
 মন্ত্রীরা আদেশে, মপঃসলে হুকুমাди

করিছে প্রেরণ । বকুনীর একাধারে  
 শোভে কত গুণ তাহা বর্ণিতে অক্ষম ।  
 ইমারত কারখানা অতিথির সেবা,  
 যখন যে প্রয়োজন করে সম্পাদন ।  
 দলিল, দাখিলা, চিঠা, নক্সা ফরশালা,  
 সেরেস্তায়, মহাফেজ, রাখেন যতনে,  
 অগোচরে তাঁর, কার সাধ্য অনায়াসে  
 করিবে সন্ধান । নিকাশ গ্রহণ করে,  
 নিকাশ-নবিশ ; কভু অতি উচ্চৈঃস্বরে—  
 তর্জ্জন গর্জ্জন ; কখন মধুর-বাণী  
 কহে জনান্তিকে ; কে জানে ইহার মর্ম্ম,—  
 মর্ম্ম-ভেদী বিনা । ভিন্ন ভিন্ন সেরেস্তায়  
 মুহুরী প্রচুর ; সবে নিজ কার্য্যে রত ।  
 তাদের দুর্দশা হায় ! করিলে স্মরণ,  
 পক্ষপাত আসি যেন দেয় দরশন ।  
 চাকরীর সুখ যাহা লভে অন্যজনে,  
 কেবল লিখিছে তারা বিনম্র-বদনে ।

চলিছে কাছারি হেন মহাধুমধামে ?  
 হেনকালে, উমেদার তথা উপনীত ।  
 ধীরে ধীরে এক ধারে বসিলেন গিয়া ।  
 কুহকিনী-আশা তার হৃদয়-গগণে,  
 খেলিছে, বিজলী যথা বিমানে প্রকাশে,

ভাবী সুখ অভিলাষ, উপজিছে মনে,  
 কখন নিরাশা আসি, দেয় দরশন,  
 অমনি বিষাদে তনু, হয় আচ্ছাদিত ।  
 এখানে বঞ্চিত হলে' কি হবে উপায়,  
 কোথায় যাইব তার, না পাই সন্ধান ।  
 অন্তরে চিন্তিয়া হেন অতি মদু-স্বরে,  
 নাম ধাম স্বজাতির দিয়া পরিচয়  
 রাজ প্রতিনিধি পাশে কহিল কাতরে—  
 “নিতান্ত দরিদ্র আমি—সহায়-বিহীন  
 দুর্ভাগ্যের বশে, আপনি সুবিজ্ঞ শুনি  
 লোক পরম্পরা, আসিয়াছি তবপাশে  
 হয়ে উমেদার, যোগ্যতার পরিচয়  
 দিব বহুতর ; যদি কোন মদুপায়  
 করেন বিধান ; চিরঞ্জে বদ্ধ আমি  
 রহিব জীবনে ।” শুনি সে কাতর-বাণী  
 স্বগুণ কীর্তন, হয়ে মহা অভিমানী  
 অমাত্য প্রধান, কহেন হাসিয়া তারে ।—  
 “আপনি সদ্বংশ জাত, অতি কার্যক্ষম,  
 রূথা আকিঞ্চন কেন করেন অন্তরে ।  
 সম্প্রতি এখানে কোন কার্য খালি নাই,  
 থাকিলেও আশু তার নাহি প্রয়োজন ।”  
 এত বলি হায় ! স্বকার্য সাধনে মন

করেন অর্পণ । জিনিয়া জীমূত-ধ্বনি,  
সে বাণী সহিত, পশিল অমনি যেন  
উমেদার-হৃদে হয় ! বিষাদ-অশনি ।

চকিত-নয়নে চাহি অমাত্য-মণ্ডলী—  
( জ্ঞাতি শত্রু সম যারা ) কি ভাবি অন্তরে,  
ঈষৎ হাসিল-প্রকাশে বিদ্রূপ যেন  
আপন গৌরবে কেহ । কি বলিব হয় !  
যে জন বিদ্রূপ হাসি হাসিল এখন,  
যখন এদশা তার ছিল এক দিন,—  
হেসেছিল কত নর, পড়িল কি মনে ? ।  
কালের মাহাত্ম্য অহো ! কে বুঝিতে পারে,  
সম্পদে, বিপদ কারো থাকে কি স্মরণ ? ।  
সামান্য এ নর, কিন্তু রাজ-প্রতিনিধি—  
প্রভূত-সম্মান যার, কি উত্তর দানে,  
প্রত্যাখ্যান করিলেন এই উমেদারে ।  
“সম্প্রতি এখানে কোন কৰ্ম্ম খালি নাই,  
থাকিলেও আশু তার নাহি প্রয়োজন ।”  
শুনিলে পাঠক ! হয় ! বিদরে হৃদয়,  
একেবারে নিরুত্তর মুখ-উমেদার ;  
মহাকবি কালিদাস কত শক্তি ধরে,  
ইহার সমস্যা পূর্ণ করে সেই ক্ষণে ।  
নিগূঢ় কারণ এর, শুন মন দিয়া—

পদ শূন্য আছে বটে, কেহ না পাইবে,  
 স্বকীয় আত্মীয় তরে আছে সুসজ্জিত ।  
 অযোগ্য কি যোগ্য পাত্র, হউক সেজন  
 কে করে বিচার ; বসিবে সে সমাদরে  
 এ উচ্চ-আসনে ; ইহার বিরুদ্ধে কেবা,  
 করে প্রতিবাদ, স্বেচ্ছায় নাশের তরে ।  
 তুমি যদি কার্যদক্ষ হও সুচতুর,  
 হায় রে ! এ ক্ষেত্রে তাহা কে'করে প্রবণ ।  
 সে কারণে সুকৌশলে হইল উত্তর—  
 “থাকিলেও আশু তার নাহি প্রয়োজন ।”  
 অহো কিবা পরিতাপ ! এ সব ঘটনা,  
 কভু না জানিতে পারে প্রভু ঘুণাক্ষরে ?  
 কিন্না কোন জমিদার জানি সবিশেষ,  
 উপেক্ষা করেন তাহা, স্বভাবের গুণে ;  
 ক্রমশঃ সে কালসর্প হয়ে অগ্রসর,—  
 মন্ত্রী-বেশে স্বদল-সহিত ; অবশেষে  
 হায় ! তাঁর করে সর্বনাশ । একারণে  
 হেরি কত মহা-জমিদার, অচিরে সে  
 হতভাগ্য হারায় সম্বল নিজ-দোষে ।  
 স্বার্থ-পূর্ণ এ সংসার, যিনি তার দাস,—  
 ন্যায়-পথ ভ্রষ্ট তিনি প্রতি-পাদ-ক্ষেপে,  
 অনুমাত্র ধ্বংস হয় থাকেনা অন্তরে ।



নীচ-কূলে, ততোধিক দোষ কে সন্ধানে ।  
 “ভদ্র” আখ্যা ধারী যাঁরা সম্পদে সম্মানী,  
 মতের আদর্শ হয়ে দেখাবেন পথ,  
 যত্নপি বিপথে তাঁরা করেন ভ্রমণ,  
 এ বঙ্গে, উন্নতি তবে কি রূপে সম্ভবে ।  
 “থাকিয়া কি ফল আর” হেন ভাবি মনে,  
 ধীরে ধীরে উমেদার করিল প্রস্থান ।  
 হায় রে ! চরণ তার চলিতে না চায়,  
 চিত্ত—সচঞ্চল, দুঃখের সাগরে যেন  
 শুষ্ক-লঘু-তৃণ ; নিরাখিছে নেত্রে যেন  
 সব শূন্যময় ; কোথায় গিয়াছে চলি  
 আশা-সৌদামিনী, নিবিড়-বিষাদ-মেঘে  
 লুকাইল বুঝি এবে শরমের দায়ে ।  
 দুঃখিনী-জননী, দারী, আত্মীয় স্বজন,  
 একে একে আসি কভু দেয় দরশন ।  
 মরুভূমে তৃষাতুরে যথা মরীচিকা—  
 কখন নিকটে হায় ! কভু অন্তর্হিত ;  
 স্মৃতির সে খেলা আর বিস্মৃতির গুণ ।  
 উমেদার হায় ! কখন চলিছে দ্রুত,  
 কখন থমকি, উন্নত-নয়নে হেন  
 ভাবিতেছে মনে—“কোথায় যাইব আর  
 নাহি গম্য স্থান, কপর্দক মাত্র মম

নাহিক সম্বল । ভিক্ষা সছুপায় এবে,  
 তাই কোথা মিলে ; যাহার নিকটে যাই,  
 উমেদার ব'লে হয় ! উপহাসে কত ;  
 কীটগু কীটের সম ভাবে মনে মনে ।  
 যাপিতে যামিনী এক নাহি পাই স্থান,  
 দু-সন্ধ্যা উদরে অন্ন মিলে কদাচিত ।  
 যখন সম্পদ মম ছিল এক দিন ;—  
 খাটোর বিচার হয় ! করেছি বিস্তর ;—  
 দুষ্ক-ফেণ-নিভ শয্যা, থাকিত সজ্জিত ;  
 এখন সে খাড়াখাড়ে কে'করে বিচার ;  
 ভূণের শয্যায় করি রজনী যাপন ।  
 কত উমেদার আমি এঅধম-বাসে,  
 নিরত করেছে বাস কতই যতনে ;  
 আজ লোকে ঘৃণ্য আমি নিয়তির বশে ।  
 কোন উমেদার তরে প্রভুর গোচরে,  
 স্তুতি অনুন্নয় আমি করিয়াছি কত—  
 লোকতঃ ধর্মতঃ পুণ্য লভিবার তরে ।  
 সম্প্রতি তদ্রূপ মোরে করে উপকার—  
 হেন পর উপকারী, না হেরি সংসারে,  
 হয় ! ভাগ্য দোষে ; কিবা এর পরিণাম  
 কে' বলিতে পারে, অন্তরের দাবানল  
 রহিল অন্তরে হয় ! মম এ জীবনে ।

এত বলি উমেদার ত্যজি দীর্ঘ-শ্বাস,  
ভাবিতে ভাবিতে পুনঃ করিল গমন ।

## পঞ্চম সর্গ ।



উত্তর-বঙ্গেতে এক প্রকাণ্ড ষ্টেশন—  
স্বনামে বিখ্যাত ; কত যাত্রী যাতায়াত  
করে রাত্রি দিন ; কে, করে গণনা তার ।  
রহিয়াছে কত লোক ট্রেন প্রতীক্ষায় ;  
বিলম্ব না সহে কা'র, ফিরে অবিরত,  
কখন, লাইন প্রতি চাহে বারবার ।  
বাজিল টিকিট-ঘণ্টা—যন ঘোর রোলে ;  
রেলওয়ে কর্মচারী কার্য পরতায়,  
করিতেছে ছুটাছুটি ; লগেজের ঘরে—  
বিছানা বালিশ লেপ—কম্বলে জড়িত  
কা'র, কাহারো বা চটে ; তুরম তলপী  
কা'র, কাহার পেটরা, লগেজ কারণ,  
স্তম্বপাকারে রহিয়াছে কম্পাসের ধারে ।  
সাবধান করে কেহ পুত্র-পরিবারে,  
কেহ বা চাহিছে ফিরে সতৃষ্ণ-নয়নে ।  
কত ব্যাগ পোট মেন্ট, ঘণ্টা বাটী ঝারি,

স্থানে স্থানে পড়ি অই, জায় গড়াগড়ি ;  
 মালিক নিকটে তাই রয়েছে তথায় ;  
 নতুবা নিমিষে তাহা হ'ত অপহৃত ।  
 কেহ বা গাঠরী বাঁধে, অতি সাবধানে,  
 ছাতা লাঠি রাখে কেহ অন্তের জিম্বায় ।  
 কলকী হারায় কেহ, করি হার হার !  
 করে অন্বেষণ, শূন্য-ছকা হেরি আরো  
 বাড়িছে সম্ভাপ তার—না হয় নির্বাণ ।  
 এদিকে কেহ বা রোষে—“টীকা গুড় হল”  
 ব'লে, করিতেছে গোল, স্থানে স্থানে কত  
 লোক, বর্জ্বুল আকারে বসি তাত্রকূট  
 পানে মত্ত ; কেহ বা করিছে গলাবাজী ।  
 ঘুরে ফিরে ফেরিয়ালা, ফুকারে গভীর—  
 “মিঠাই কচুরি লুচি, চাই ছানাবড়া”  
 অপর দিকেতে কেহ—“চাই ছাচিপান”  
 “চাই বিলাতি চুরট”—কেহবা হাকিছে ।  
 পলকে পুলিশ-ম্যান ঘুরায় নয়ন,  
 চলিছে গরবে যেন—গজ-যুথ-পতি ।  
 টেলি গ্রাফ-গৃহে শুন-খটা খট্ খট্,  
 কভু খিটি মিটি, পুনঃ টরে টক্কা টরে ।  
 প্রেরিছে সংবাদ এবে, সম্মুখ স্টেশনে  
 অহো ! কি কৌশলে । উপনীত গাড়ী আশু,

লাইন ক্লিয়ার বলি পড়ে গেল ডাক ।  
 অদূরে বিজয়-ধ্বনি করিল ইঞ্জিন ;  
 আবার বাজিল ঘণ্টা, মাজিল অমনি—  
 ব্যাগ, বোচকা লয়ে যাত্রী—শোভায় অতুল  
 আসিল ইঞ্জিন তথা অতি দর্প-ভরে,  
 ক্রোধে গরজিয়া যেন অন্তর-দাহনে ।  
 কত যাত্রী উতরিল, কত যাত্রী গেল,  
 কে' করিবে সংখ্যা তার, হেন গোলযোগে ।

স্টেশন বাহিরে অ'ই, রাজপথ-ধারে,  
 কঙ্কাল-আকারে হের ! এক উমেদারে ;  
 নয়ন, কোর্টর-গত, কুক্ষি, অক্ষি প্রায় ;  
 বক্ষস্থলে অস্থিগুলি ক্রমে প্রকাশিত—  
 অশীতি-বয়স্ক নর গণিতে সক্ষম ।  
 জীর্ণ-ছত্র জীর্ণ-ব্যাগ প্রলম্বিত করে,  
 পরিধানে জীর্ণ-বাস—শত এস্থি তায় ।  
 শ্রাবণের ধারা যেন সহিতে না পারি,  
 আশ্রয় লভিল আসি হেন তরু-তলে ।  
 কর্ম-ফলে ভাগ্যদোষে হয়ে উমেদার,  
 কত বিড়ম্বনা হায় ! ভুঞ্জিতেছে এবে ।  
 প্রথমে স্টেশনে কাজ ক'রে কিছুদিন,  
 সামান্য কারণে শেষে হ'ল পদচ্যুত ;  
 ট্রফিক-অফিশে আসি করি উমেদারী,

পাইল আদেশ হেন—“আগামী এপ্রিল  
 মাসে পরীক্ষা প্রদানে, উপযুক্ত হলে  
 তব পূরিবে বাসনা” পাইয়া আদেশ,  
 বহু কষ্ট সহি মূঢ় স্টেশনে থাকিয়া,  
 রীতি মত শিক্ষা করে কার্য্য আপনার ।  
 তার সহ পরীক্ষার্থী জুটিল অনেক,  
 দৈববশে হতভাগ্য হইল নিষ্ফল ।  
 মন-দুঃখে অবশেষে করি দৃঢ়-পণ,  
 জমিদারী, মহাজনী, পুলিশ-বিভাগে,  
 বিষয়াহ্বেষণে করে জীবনের শেষ ।  
 গমনে শক্তি নাই, শরীর দুর্বল,  
 তাই মূঢ় ভাবিতেছে হয়ে নিরুপায় ।  
 নয়ন-যুগলে ঝরে শত অশ্রু-ধারা,  
 উদ্বেলিত-মিন্ধু সম—হৃদয় চঞ্চল ;  
 জ্বলিছে অন্তরে কত ভাবনা-অনল,  
 নিশ্বাস-পবন ক্রমে হইল প্রবল ;  
 জগতে নাহিক আজি সহায় এমন—  
 সহায়তা করে আমি এ হেন বিপদে ।  
 যথা যায় তথা হয় ! না পায় আশ্রয়,  
 কেবল অন্তরে বাড়ে অন্তর-গিপাসা ।  
 ক্ষুধায় আকুল হয় ! ওষ্ঠাগত প্রাণ,  
 চতুর্দিকে তমঃ বুঝি নিরখি নয়নে,

সহিতে না পারি আর অঙ্গ-যক্তি ভার,  
বসিয়া পড়িল দেখ অবসন্ন-কায়ে ।  
অন্তরে কুচিন্তা আরো বাড়িল দ্বিগুণ  
জীবনের আশা যেন শুষ্ক মরুভূমি ;  
প্রমাদ গণিছে হেন পুত্র কন্যা তরে—

হায় বিধে ! জীবনের শেষ বুঝি হল  
এতদিনে, তুমি বিনা আর, কে রক্ষিবে  
মোরে এবিপদে ; মরি আমি, নাহি খেদ  
তায় ; চিরস্থায়ী নহে কেহ এমরতে ;  
কিন্তু বিধে ! অভাগার পুত্র কন্যা তরে,  
করেছ বিধান কিবা বুঝিতে না পারি ;  
জানি আমি,—এরও তরুর বীজে নহে  
জন্মে শাল ; তবু এ পরাণ কেন কঁাদে  
অনিবার, কহ মোরে । মায়াময় তব  
এ সংসার, তাহে নর মগ্ন মোহ-বশে ;  
সেকারণে পাই আজি হেন মনস্তাপ ।  
অবোধসন্তান তারা না জানে তোমায়,  
করিল কি অপরাধ এ নব বয়সে ;  
মম সুখে সুখী যারা,—বিপন্ন বিপদে ;  
তবে কেন হলে বাম, তাহাদের প্রতি ।  
নাজানি তাহারা হায় ! ক্ষুধার জ্বালায়,  
জীবনে, মরণ জ্ঞান করিছে নিয়ত,

অথবা অস্তিত্ব বুঝি পাইয়াছে লোপ ।  
 জীবনের সহচরী—অন্তর, দর্পণে,  
 কভু আসে কভু যায়, যথা সৌদামিনী ।  
 হায় প্রিয়ে ! তব ভাগ্যে বিধাতা বিমুখ,  
 সহকার-তরু ভ্রমে নিম্ন-তরু গলে,  
 পরায়েছ বরমাল্য ; হতভাগ্য আমি ;  
 দিনেকের তরে তুমি, লভিলেনা সুখ ।  
 কত আশা ছিল মনে উপার্জিয়া ধন,  
 বরমাল্য বিনিময়ে পূরাব বাসনা ;  
 সে মাথে বঞ্চিত বিধি করিল আমায়,  
 না জানি তোমার মনে আশা-কুহকিনী,  
 ভুলাইছে নিরন্তর প্রবোধ বচনে—  
 “বিদেশে গিয়াছে স্বামী শিক্ষিত সূজন,  
 মাস ত্রয় গত হ’ল অবশ্য এখন,  
 দিবেন খরচ তাঁর পুত্র কন্যা তরে ;  
 অসহ্য অগ্নির জ্বালা সহেনা এ প্রাণে,  
 কমলার রূপা বুঝি হবে এতদিনে ।”  
 হায় মুখে ! বসিয়া বিরলে, আশা-বশে—  
 কতই জম্পনা তুমি করিতেছ মনে ।  
 এদিকে, সে আশা-লতা উন্মলিতা প্রায়,  
 ফিরিব যে দেশে হেন নাহিক সম্বল ।  
 “সন্মুখে শরত কাল—অতি মনোহর ;



মহামায়া অবতীর্ণা হইবেন যবে  
 এমরত-ধামে ; বহিবে আনন্দ-শ্রোতঃ  
 বঙ্গের ভিতর ; যুবক যুবতী যুগ্ম,  
 হয়ে এক মন, সুসজ্জিত করিতেছে  
 আবাস ভবন । বালক বালিকা মনে  
 কতই উল্লাস—পরিবে নুতন বাস  
 হেন ভাবি মনে । মম পুত্র কন্যা হায় !  
 (স্মরিলে বিদরে হিয়া ) তাহাদের সহ,  
 করিতেছে আশা কত বস্ত্র অলঙ্কারে ।—  
 বিদেশে গিয়াছে পিতা বসন কারণ  
 আসিলে অমনি পরি, দেখাইব সবে ।  
 হায়রে বিধাতঃ ! অবোধ সন্তান তারা,  
 জানেনা সংসার-গতি—ভীষণ কেমন ।  
 উথলিছে শোক-সিন্ধু প্রসূতির হৃদে,  
 বাড়িছে আশঙ্কা মনে ক্রমে দিন গতে ।  
 কি ব'লে, বুঝাবে হায় ! অবোধ কুমারে,  
 হাতে নাই কপর্দক, যোগাবে বসন ;  
 প্রতিবাসী যবে হবে আনন্দে মগন,  
 সহ বন্ধু গণে ; মম অভাগিনী হায় !,  
 বসিয়া বিরলে অশ্রু করিবে ঘোচন ।  
 আর কি সুদিন হবে, মুছিব সে ধারা ; ?  
 আর কি তাহার সেই ম্রিত-মুখ-শশী,

ভাতিবে এ হৃদাকাশে ? ; নয়ন-চকোর,  
 আনন্দে করিবে পান, সে বিমল-সুধা ? ;  
 হায় প্রিয়ে ! আর কি পাইবে হেন ধনে ?  
 আর কি হেরিবে তব আরাধ্য দেবেরে ?—  
 যাহার সেবায়, আত্ম-সুখ অভিলাষ  
 দিতে বিসর্জন ; কিঞ্চিৎ অমুহু যারে  
 নিরখিলে তুমি, কার-মনো-বাক্যে সদা  
 করিতে শুশ্রূষা ; আজি সেই হত ভাগ্য  
 ভাবিতে ভাবিতে বুঝি, হারায় জীবন—  
 তৈল বিনা বাতি হয় ! রহে কতক্ষণ” ! ! !

হেন কালে অস্তাচলে পশিল তপন—  
 উমেদার দশা যেন সহিতে না পারি  
 তমঃ আসি আবরিল সমস্ত মেদিনী,  
 উমেদার-দুঃখ যেন হয়ে যুত্তিমান  
 দেখায় মানবে । গগনে নক্ষত্র রাশি,  
 হইল প্রকাশ ; কুবের ভাণ্ডার হ’তে,  
 অসংখ্য রতন হয় ! করি পরিহাস,  
 প্রলোভন দেয় যেন উমেদার গণে ।  
 ফুকারিছে ফেরুপাল অতি উচ্চ রবে,—  
 “ক্যাছা, ক্যাছা” বলে ব্যাখিত অন্তরে,  
 জিজ্ঞাসিছে উমেদারে কারণ তাহার ;  
 কে দিবে উত্তর তার, নীরবে পশিল

ভারা বিজন কাননে, কেহ লোকালয়ে ।  
 নিরখি প্রদোষ-কাল মানব নিচয়,  
 পশিল আপন বাসে ; কিন্তু কোন নর,  
 উমেদার দশা হয় ! ভাবিলনা মনে ।  
 তখন সে হতভাগ্য না দেখি উপায়,  
 প্রবেশিল লোকালয়ে লভিতে আশ্রয় ।

অদূরে ছিলেন এক মোক্তার প্রধান—  
 অতি দয়াবান ; অনাথের নাথ ব'লে  
 খ্যাত এ সংসারে । জগতে ঐশ্বর্য্যশালী  
 হেরি যত নরে, প্রকৃত সদ্ব্যয় তার  
 করে কত জন ? ; দয়া ধর্ম্ম হীন যারা  
 স্বভাবে ক্লপণ, গুপ্ত ধন রক্ষি সেই  
 পরম যতনে । ভুক্ত ধনে ধনী যিনি  
 স্বকরম ফলে, দীন হীন জনে দয়া  
 প্রকাশে সে জন, স্বেচ্ছায় কমলা নাহি  
 ত্যজেন তাঁহায় । অথবা বিলাসী হলে,  
 বিপুল বৈভব তার রহে কত দিন ?  
 অসৎ কার্য্যেতে যায় অসতের ধন ।  
 মোক্তার স্বভাব গুণে আপন বাসায়,  
 আশ্রয় প্রদান করি, নিরাশ্রয় জনে,  
 সাধ্য অনুসারে সবে যোগান অশন ।  
 সে কারণে দলে দলে উমেদার গণ,

আশ্রয় লভিয়া তথা করে উমেদারী ;  
লোক মুখে শুনি এই বারিক বারতা—  
অবারিত দ্বার তার, নাহি রোধে গতি ;  
উপায় না হেরি আর সেই উমেদার,  
রন্ধন-শালায় নাম লিখিলেন গিয়া ।  
সেখানে যেরূপ মিলে অশন শয়ন,  
হায় ! ভাগ্য দোষে, বর্ণন করিব তাহা  
চাহি ধর্মপানে । এখন সে সব হায় !  
করিলে স্মরণ, বিদরে হৃদয় ক্ষোভে ।  
পূর্ব জন্মার্জিত পাপ ভুঞ্জিবার তরে,  
জনম লভেছে হেন উমেদার গণ ।


কদলী পত্রিতে অন—কোটরা আকারে  
সারি সারি সুবিন্যস্ত অতীব কৌশলে,  
কি দিব উপমা তার, না পাই খুজিয়া  
এ নগর ধামে ; রণক্ষেত্রে শ্রেণীবদ্ধ  
পদাতিক যথা, অথবা হাওড়া পুলে  
তরণী সঙ্কুল । তাহার হৃদয়ে মরি !  
বিরাজেন সূপ দেব—সূক্ষ্ম দরশনে ।  
অপার মহিমা তার—অবিরাম গতি,  
বাহিরিছে বারিরূপে পাত্রে পাত্রান্তরে ;  
( বিষ্ণু পদে সমুদ্ভূতা জাহ্নবী যেমতি ) ।  
মরি কি আশ্চর্য্য শোভা ধরিয়াছে তায়,

শৃঙ্খল সংযোগে, কেষনের ট্রেন যথা  
 রহে সজ্জীভূত । কোথাও সে বারি শ্রোতঃ,  
 অর্দ্ধ পথ হতে হয় বিলুপ্ত ধরায় ।  
 ব্রাহ্মণের ধর্ম বুঝি যায় রসাতলে—  
 হেন ভাবি মনে, সংক্রোধে করিছে পান  
 জরু মুনি যেন । এ হেন মুখের গ্রাস—  
 ( উমেদার ভাগ্যে যাহা নিতান্ত দুর্লভ )  
 মক্ষিকা নিকর, করিছে আরত আসি  
 হরিতে সে গ্রাস । কিন্তু উমেদার গণ  
 পরাভব করি সবে খেদাইয়া দূরে,  
 মহা সমাদরে তাহা করিছে অদন ।  
 আদর কি অনাদর নাহি সেই স্থানে,  
 দাতার সুসাদ্য যাহা করেন প্রদান ।  
 শয়নে মাদুর চট, যখন যা পাও,  
 দ্বিরুক্তি না করি তাহে করিবে শয়ন ।  
 একুপ শয়নে কিম্বা ভোজনে তোমার,  
 যত্নপি অসহ বোধ হয় মনে মনে,  
 মূর্থ তুমি—উমেদার-গ্লানি ; যাও তবে  
 ফিরে নিজালয়ে ; ব্যর্থ মনোরথ তুমি  
 হলে এত দিনে । রত্ন লভিবারে যদি  
 করহ কামনা, দুঃখ-পারাবারে দেহ  
 কর নিমজ্জন । সম্মুখে দুর্গম-পথ

ভাবিয়া অন্তরে, যদি হও হে শঙ্কিত,  
 কি রূপে সে লক্ষ্য স্থানে হবে উপনীত ।  
 এমন আশ্রয়ে থাকি উমেদার গণ,  
 করে অত্যাচার কত ; কভু পরস্পরে,  
 কলহ করিয়া হয় ! যায় কারাগারে ।  
 একের হইলে কর্ম অন্তের অন্তরে,  
 পশে যেন শেল সম বিদ্বেষ অমনি ।  
 কত যে অশুভ তাহে ঘটিছে নিয়ত,  
 সে সব বর্ণিতে কা'র, নাহিক শক্তি ;  
 স্বজাতি বিদ্বেষী হয় ! বাঙ্গালি যেমন,  
 অপর জাতিতে তাহা কভু না সম্ভবে ।

কোন কোন ভাগ্যধর আপন বাসায়  
 কিম্বা নিজালয়ে ; পরিচিত উমেদারে  
 রাখেন যতনে ; হতভাগ্য উমেদার,  
 করি উমেদারী, ফিরিছে নগরে সদা  
 বিষয়ান্বেষণে ; কোথাও না হয় তার  
 আশা ফলবতী । এদিকে আশ্রয় দাতা  
 পড়িল সঙ্কটে, কত দিন যোগাবেন  
 অশন তাহার । ছলে কি কৌশলে তারে  
 করিতে বিদায়, অনাদর ভাব কত  
 করে প্রদর্শন । দরিদ্রের পক্ষে বটে,  
 এভাবে সম্ভবে । বিষয়ী যে জন হয় !

লভিবারে যশঃ, স্বধাকার্য্যে অর্থ ব্যয়  
 করি অকাতরে লভিতেছে বাহাদুরী ।  
 সে যদি এরীতি হয় ! করি প্রদর্শন,  
 চব্য চোষ্য লেহ্য পেয় খাদ্য নানাবিধ,  
 মাজায়ে সুবর্ণ থালে, করেন প্রদান ;  
 সে স্নগ্য ভোজন পাত্রে করি পদাঘাত,  
 ভিক্ষা মাগি দ্বারে দ্বারে করিব ভ্রমণ ।  
 কোথায় গিয়াছে হয় ! আর্য্যমৃত গণ !!  
 অতিথি সৎকারে যারা লভিত সন্তোষ ;  
 এখন অধার্য্য করি আর্য্যমৃত গণ,  
 ধর্ম্মের কপট ভাব করে প্রদর্শন ।



## ষষ্ঠ সর্গ ।



আগত শরত-কাল—উঠিল গগণে,  
 অপার আনন্দ-ধ্বনি প্রতি ঘরে ঘরে ;  
 বিষয়ী, বিষয় হেতু সুদূর প্রদেশে  
 থাকি বহুদিন, এখন উল্লাসে তারা  
 স্বদেশানুরাগে সবে ফিরিছে আবাসে ।  
 নব নব সুখ কেহ করে উপভোগ  
 কল্পনার বশে ; নিঃসম্বল হয়ে কেহ  
 ক্ষুব্ধ মনে মনে, সংসার চিন্তায় তার  
 অন্তর যগন । এ সময়ে স্থানে স্থানে  
 যত উমেদার, আশার আশ্বাসে হায় !  
 ছিল পরাশ্রয়ে, তাদের দুর্দশা এবে  
 করিলে দর্শন, পাষণ্ড হৃদয় নর,  
 হয় বিগলিত । যাদের আশ্রয়ে সবে  
 ছিল এত দিন, এখন স্বদেশে তারা  
 করিল প্রয়াণ ; নিরাশ্রয় হয়ে এবে  
 উমেদার গণ, মুহু মুহুঃ অশ্রুধারা  
 করিছে মোঁচন । কে, ভাবে তাদের সেই  
 দুঃখ-দুর্নিবার, স্ব স্ব সুখ দুঃখে হায় !  
 নিমগ্ন সবাই ; কে দিবে আশ্রয় এবে



যোগাবে অশন, নাহিক সম্বল কার,  
 ফিরিবে স্বদেশে । সে কারণে দ্বারে দ্বারে  
 উমেদার গণ, নিরাশা-মাগরে যেন  
 ভাসিছে নিয়ত ; যথা সেই হতভাগ্য  
 হয় উপনীত, নিরখে নয়নে যেন—  
 এ বঙ্গের দুঃখ রাশি দিয়া উমেদারে,  
 সকলে ভুজিছে সুখ সহ পরিজনে ।

কোন উমেদার এবে চিন্তিছে অন্তরে—  
 চাহি শূন্য পানে, আরক্ত-নয়ন তার  
 হেরি ভষি মনে—দহিবে এ বিশ্ব যেন,  
 ( হর-কোপানলে দধ্ব মদন যেমতি ) ;  
 “দিনত্রয় গত হল এসেছি এখানে,  
 কোথাও আশ্রয় নাহি মিলিল আমার ;  
 স্বদেশীয় বন্ধু যারা ছিল এ প্রদেশে,  
 সকলে স্বদেশে হায় ! করিল প্রস্থান,  
 কি করি উপায়, বিদেশী বলিয়া কেহ,  
 নাহি দেয় স্থান হায় ! মম ভাগ্য দোষে ।  
 পরিধানে জীর্ণ-বাস—অতীব মলিন,  
 হয়না স্মরণ, প্রবাসে রজকালয়ে  
 দিয়াছি কখন ; বস্ত্রাভাবে লোকালয়ে  
 যাই কোন লাজে ; যাত্রা করিলেও  
 কেহ করেনা বিশ্বাস ; মাতাল বলিয়া

অহো ! সবে ঘৃণা করে ; হায় রে বিধাতঃ !  
 বিবস্ত্র জনেরে কত দিয়াছি বসন,  
 তার প্রতিফল মোরে দিলে এত দিনে ।  
 আর যে সহেনা প্রাণে, এ বিবম-ক্লেশ ;  
 জঠর-জ্বালায় একে দগ্ধ দিবানিশি,  
 নিদ্রার আবেশ নাই দুষ্চিন্তা-শয়নে ;  
 তাহে হেন লোক লজ্জা আরো বিড়ম্বন ।  
 উপায় হীনের এক আছে সছুপায়,  
 কিন্তু তাহা ঘৃণাকর—নহে ভদ্রোচিত ;  
 নীচ-কুল জনে বটে, কভু শোভা পায় ।”

এতেক চিন্তিয়া মূঢ় আরম্ভিল পুনঃ—

“জন্মেছে মানবকুল সুখ ভোগ তরে,  
 এ মহী-মণ্ডলে ; তবে বিসদৃশ কেন  
 নিরখি সংসারে ? কেহ উচ্চ, কেহ নীচ,  
 কেহ ধনবান, রাজ-ভোগ্য ভোগে কেহ,  
 কেহ শীর্ণকায়—অগ্নাভাবে ! ; কেহ কার  
 পদতলে দলি অনায়াসে, লভিতেছে  
 যশঃমান ধন এজগতে ; অহো ভাগ্য !  
 তব অনুগত নর বিধির প্রমাদে,  
 এই কি বিধির বিধি ? ধিক্-সে বিধান ।  
 ছলে কি কৌশলে আমি হব ভাগ্যবান ;  
 কলি ধর্ম্মে এ সংসার—নরক সমান,

পাপ পুণ্য এ নরকে কে' করে বিচার ?  
 মৃত যেই-ধর্মজ্ঞানী ; আমি কেন তবে  
 সহি হেন ক্লেশ ? এত দিন ধর্ম পথে  
 থাকি এ দুর্ঘটি, এই কি লভিল ফল ! !  
 যা'ক ধর্ম রসাতলে—বিস্মৃতি-সলিলে,  
 মান লজ্জা দয়া আজি করুক গ্রহান,  
 নীচ জনোচিত কার্য্য করি এ সংসারে,  
 পালিব এ দৃঢ় ব্রত অধর্মের বলে ।”  
 এত বলি উমেদার চলিল সোদ্বোধে ।

বিপদে পড়িলে নর বুদ্ধি ভ্রষ্ট হয়,  
 হায় ! এহ-দোষে ; হিতাহিত জ্ঞান তার  
 থাকেনা তখন । সে দশায় উমেদার  
 পড়িয়াছে এবে । আত্মীয় নিকটে নাই  
 কে, করে সাহায্য ; কুকার্য্য করিয়া শেষে  
 পড়িবে বিপদে । অনেকে অকার্য্য করে  
 স্বভাবের দোষে, কেহ বা বিপদে পড়ি  
 হয়ে নিরুপায়, অসঙ্গত কার্য্য করি  
 যার কারাগারে । এতক্ষণ যে যুক্তি  
 করিল নির্বোধ, রাজদ্বারে দণ্ডনীয়  
 হলে একবার, অচিরে ঘুচিবে তার  
 ভ্রম অন্ধকার । উমেদারী ক্ষেত্রে হায় !  
 জন্মিছে এ হেন কত বঙ্গ-কুলাঙ্গার ।

সে কারণে উমেদার অবিশ্বাসী লোকে ।

আজীবন বঙ্গবাসী ভুঞ্জিবে যে ফল,  
হায় ! তার মূলে, অবিশ্বাস-বারি যদি  
করহ সিঞ্চন, জীবন-পাদপে তব  
ফলিবে কুফল ; তখন অমৃত-কুন্ত  
আনি ভারে ভারে, পরিপূর্ণ কর যদি  
আল্লাল তাহার, তথাপি পীযুষ ফল  
ফলিবেনা তার ! অতএব উমেদার !  
হও সাবধান, একের পাপেতে কেন  
ডুবাও সবারে হায় ! ত্যজি ধর্মপথ ।

অই এক উমেদার—সরসীর তীরে,  
রহিয়াছে ক্ষুদ্র-চিত্তে চাহি সরঃপানে ।  
ফুটিয়াছে সরোবরে সরোজ-নিকর,—  
মরি ! শোভায় অতুল ; মকরন্দ-লোভে  
অলি ভ্রমিছে চৌদিকে ; কভু উর্দ্ধে, কভু  
দলে কভু কর্ণিকারে । গুণ গুণ রবে  
যেন মাতায় জগত । কুসুম-উদ্যান,  
তীরে কত শোভা ধরে, বিবিধ প্রসূন  
তার, হয়ে প্রস্ফুটিত, দর্শকের আঁখি  
মুগ্ধ করিছে নিয়ত ; সুমন্দ সমীর  
মরি ! স্বচ্ছ সরোজলে, ঈষৎ উর্মির  
সহ করিতেছে খেলা । যে জন যাহার

চিন্তা করে অনুক্ষণ, নিয়ত নিয়গ্ন  
 সেই, সে ভাব-মাগরে ; উমেদার বসি  
 হেন সরসীর তীরে, চিন্তিছে অন্তরে  
 তথা দশা আপনার,—“এ বক্ষে বিরাজে  
 কত রাজা জমিদার, প্রস্ফুটিত-পদ্ম  
 যথা স্বচ্ছ সরোবরে ; মধু গন্ধে অন্ধ  
 হয়ে উমেদার-অলি, ভ্রমিছে নিয়ত  
 অহো ! সে পদ্ম সকাশে ; তোষামোদ-স্বরে,  
 তুঘিছে অন্তর তার মকরন্দ-আশে ;  
 কিন্তু সকলের আশা পূর্ণ নাহি হয়।  
 এ অলি যেমন পশিতে কমল-কোষে  
 করিছে যতন, অমনি মলয় আসি  
 আন্দোলিত করি হায় ! পঙ্কজ-মৃণালে ;  
 বিদুরিত করে তারে, হতভাগ্য অলি,  
 আশাচ্যুত হয়ে শেষে যায় পুষ্পান্তরে।  
 কি স্বার্থ তাহার, এ দিকে সে হরি বাস  
 বিতরে অপরে ; তবে কেন বৈর-ভাব  
 অলি প্রতি এত হায় ! বুঝিতে না পারি।  
 জমিদার গৃহে এবে নিরাখ সে ভাব—  
 কোন উমেদার যদি যায় মধু আশে  
 গুণ গুণ স্বরে কভু তোষে প্রভু চিত ;  
 অমাত্য-অনিল তাহে হয়ে প্রতিবাদী,

সন্দেহ-দোলায় তুলে মুনিবে অচিরে ।  
নিরাশা হইয়া শেষে উমেদার-অলি,  
মধু অন্বেষণে ত্বরায় ধায় পুষ্পান্তরে ।

ইতর প্রাণীতে সদা নিরখি যে ভাব,  
মানব-সমাজে তাহা পশিয়াছে হায় ! ;  
গৃধ্র শারমেয় আদি খাদ্য যদি পায়,  
অমনি উপজে হিংসা তাহাদের মনে ;  
তখন তাহারা স্বীয় স্বার্থ সাধনায়,  
সরোষে আক্রমে হায় ! সম লোভী জীবে ।  
আমার ভাগ্যেতে আজি ঘটিল তাহাই ;  
রাজবাটী ছিল বটে লোক প্রয়োজন,  
উপযুক্ত পদ সেটী উন্নতি-সোপান ;  
লভিলে সে কর্ম মম দৃচিত যত্ননা ;  
কর্তার অমত নাহি ছিল আমা প্রতি,  
পরিচয় দানে তার পেয়েছি প্রমাণ ।  
হায় ! হত বিধি মম হ'ল প্রতিবাদী,  
অমাত্য-চক্রেতে পড়ি হারালেম তায় ।  
স্বার্থ-পূর্ণ এ সংসার—মানব জীবন,  
সে স্বার্থ ত্যজিতে পাটরে, হেন কোন নর  
আছে কি ধরায় ? । সংসার অসার জানে,  
ঈশ্বর-প্রেমিক, দলে পদতলে সেই  
বিষয়-কামনা—তুচ্ছ ক্ষুদ্র তৃণ-সম ;

এক মাত্র স্বার্থ তার জগদীশ-প্রেমে,  
কিরূপে পাইব তাহা করেন চিন্তন ।”  
ভাবিতে ভাবিতে ত্যজি সুদীর্ঘ-নিশ্বাস,  
চলিল সে উমেদার ; কোথায় যাইবে ?—  
নাহি গম্য স্থান ; একবার চতুর্দিক  
চাহি সচকিতে, স্তম্ভিত হইল পুনঃ ;  
আবার কি ভাবি মনে, হ’ল অএমর ।

বসেছেন উচ্চাসনে এক জমিদার—  
গম্ভীর-মূরতি, ললাটে চিন্তার রেখা  
প্রকাশিছে তাঁর ; বসেছে চৌদিকে,  
অমাত্য-মণ্ডলী হায় ! বিমর্ষ বদনে ।  
বিষয় কার্য্যেতে কোন ঘটেছে বিভ্রাট,  
তাই সবে একাসনে করিছে চিন্তন ।  
হেন কালে আসি তথা এক উমেদার,  
উপনীত হ’ল তার দুরভাগ্য-বশে,  
গললগ্নীকৃত বাসে দণ্ডায় সম্মুখে ।  
( বিচারক পুরোভাগে আসামী যেমতি )  
মহমা তাহার সেই ভাব দরশনে,  
হেন জ্ঞান হয়, না জানি কি মহাপাপ  
করেছে পামর, দণ্ডাই হয়েছে তাই  
রাজার গোচরে । সক্রোধ-স্বরে কত  
করিতেছে স্ততি ; পাষণ-হৃদয় নর—

হয় বিগলিত তার সে বাণী শ্রবণে ।  
 কভু স্বীয় যোগ্যতার দিয়া পরিচয়,  
 যথাযোগ্য পদ সেই করিল প্রার্থনা ।  
 ভূপতি আরক্ত নেত্রে চাহি তার পানে,  
 বিরক্তি প্রকাশে হায় ! কহিলেন তারে ।—  
 “কোথায় নিবাস তব, জ্ঞান-চক্ষু হীন,  
 কাণ্ডাকাণ্ড বোধ তব নাহি এক রতি ;  
 সরকারে আশু কোন কৰ্ম খালি নাই,  
 বিফল আয়াস কেন কর এই স্থানে ।”  
 শুনি সে নিরাশ-বাণী মূঢ়-উমেদার  
 করযুগ জুড়ি পুনঃ কহিল কাতরে—  
 “বিশাল-পাদপাশ্রয়ে নিদাঘ-পীড়িত,  
 কত জাতি বিহঙ্গম বিবিধ-ভূচর,  
 লভয়ে আশ্রয় তথা আমি অনায়াসে ;  
 তদ্রূপ এ ধরাধামে নৃপেন্দ্র আপনি,  
 অসংখ্য দরিদ্র হেথা জঠর জ্বালায়,  
 নিরুপায় হয়ে শেষে লভেছে আশ্রয় ;  
 এ নব-পথিক প্রতি রূপা বিতরণে,  
 কিঞ্চিৎ আশ্রয় স্থান করুন প্রদান ।”  
 উমেদার বাক্য শুনি নৃপতি নয়নে,  
 ক্রোধবহ্নি আলি যেন দিল দরশন ;  
 অমনি কহিলা রোষে—“যাও এথা হতে,



তোমার কারণে পদ করিব সৃজন ?,  
 দুর্কর্মে সঞ্চিত ধন করিয়া বিনাশ  
 এখন সংসার দায়ে উমেদার-বেশে  
 ভ্রমিছ ধরায় ! রেল অনর্থের মূল,  
 নতুবা কি এত লোক আসিত হেথায় ! !”

কি দোষ ইহার হয় ! বল ভাগ্যধর !  
 বিনা দোষে তিরস্কার করিলেন যারে ;  
 থাকুক, তোমার মনে ভাবনা-অপার,  
 কিরূপে বুঝিবে তাহা, সহসা এ নর ;  
 সামান্য আঘাতে যদি টলিত ভুধর,  
 তবে কি মহত্ব তার ঘোষিত জগতে ? ।  
 জানেনা অবোধ এই, নব- উমেদার,  
 একাধো নুতন ত্রী ; হেরিয়া আকৃতি,  
 হেন বোধ হয়, পিতা পিতামহ এর  
 করে নাই কভু হয় ! হেন উমেদারী ।  
 বুঝেনা সময়, মৈ কারণে হয় ! মূঢ়  
 পাইল সন্তাপ । সূচ্যে বিযাক্ত-শূল  
 পশে যদি হৃদে ; যদ্যপি অশনি পাত  
 হয় তার শিরে, সহ্য বুঝি হ’ত তাহা ।  
 কিন্তু হেন বাক্যবাণে ভেদিল অন্তর ;  
 রুধির রূপেতে বারি বহিল নয়নে ।  
 অমনি চলিল হয় ! অশ্রু সম্বরিয়া ।

ক্ষুধার্ত পথিক ধায়, বারি অন্বেষণে ;  
 শীতার্ন্ত যে জন, করে বস্ত্র আকিঞ্চন,  
 অমহ গ্রীষ্মের জ্বালা সহিতে না পারি, ।  
 শুশীতল ছায়া সবে করে অন্বেষণ ।  
 তদ্রূপ দরিদ্র জন হয়ে উমেদার,  
 বিষয় আশয়ে যায় ধনীর আবাসে,  
 হায় দামত্বের তরে । হলে প্রয়োজন,  
 রাখেন যতনে, তারে দরিদ্র-পালক ;  
 অথবা সে হতভাগ্য যায় স্থানান্তরে ।  
 অশনে বসনে যার নাহি অনাটন,  
 হেন বেশ ধরি বিষয় কারণে কভু  
 করেনা ভ্রমণ ; বিধাতা নিতান্ত যার  
 হন প্রতিকূল, মহায় দুস্পদ হীন  
 হায় যেই জন, নিশ্চয় জানিবে সেই  
 ছেন উমেদার ; একে নিষ্পেষিত সদা  
 দুঃখ-দগুণ্ডাতে, বাক্যবাণে পুনঃ তার  
 ভেদিলে হৃদয় হায় ! কি পৌরুষ তায় !!  
 যদ্যপি না প্রয়োজন থাকে হেন জনে,  
 মিষ্ট-বাক্যে তুষ্ট করি করিলে বিদায়,  
 যুগ কুল রক্ষা পায় এইত বিধান ।

## সপ্তম সর্গ।



বাজিল বিবিধ বাদ্য নগরে পল্লীতে,  
 শঙ্খ ঘণ্টা ঢাক ঢোল শানাই কামরি,  
 মহামায়া অবতীর্ণা দিনত্রয় তরে,  
 বিদুরিতে দুঃখ-তমঃ এমরত ধামে,  
 সে কারণে আজি, উঠিছে আনন্দ-ধ্বনি  
 গগন বিদারি। সচন্দন পুষ্পাঞ্জলি  
 বিম্বদল সহ, অর্পিয়া মাদরে সবে  
 মায়ের চরণে ; অন্তর-বেদন তাঁরে  
 করিছে জ্ঞাপন। ( অবোধ সন্তান যথা  
 ভূলাতে মাতারে হয় ! করে কত ছলা )  
 হেন মহোৎসব দিনে এক উমেদার,—  
 বিমর্ষ বদনে, প্রান্তরের প্রান্তে আসি  
 প্রকাণ্ড তরুর মূলে শীতল-ছায়ায়,  
 বসিলেন তৃণাসনে চিন্তা-সখীমনে।  
 সর্বভূতে সমদর্শী মলয়-অনিল,  
 নাশিছে সস্তাপ তার ; উমেদার বলে,  
 মনে করিলনা ঘৃণা। চিন্তে উমেদার—  
 “কে বলে, মানব-জন্ম দুঃখ ভ সংসারে ;  
 কত পুণ্য ফলে জীব লভে নর-যোনি”

এ ভ্রান্তি তাহার ; কে বিশ্বাসে হেন যুক্তি—  
 অসার মূলক ; তাই যদি হবে, তবে  
 কেন মোরা সবে করি ছুটা ছুটি হায় !  
 অন্তর সন্তাপে ; ক্ষণেকের তরে শান্তি  
 না পাই সংসারে । অন্য জীব যত, খাদ্য  
 অশেষে মাত্র করে বিচরণ সদা ;  
 পূরিলে শোদর, স্বর্গ রাজ্যে যেন তারা  
 শক্তি লভে কত । আহা, মৈথুন, নিদ্রা  
 ভয় চতুর্বিধ—রুত্তি মাত্র ভোগে তারা ।  
 ততোহধিক রুত্তি মোরা করি উপভোগ,  
 পাই এত ক্লেশ । এখন মরিলে হায় !  
 স্বেচ্ছায় মনুষ্য জন্ম কেকরে কামনা ।  
 জন্মাবধি এ জীবনে করেছি কি পাপ,  
 সে কারণে আজি হায় ! এ সুখের দিনে,  
 বসিয়া বিরলে হেন করি আর্তনাদ ।

হায় ! মহামায়ে ! বিষয় মদেতে মাতি  
 ভুলিয়া তোমায়, ভ্রমিতেছি এ সংসারে,  
 ভ্রান্ত-জীব সনে ; সেই পাপে পাই বুঝি  
 এত মনস্তাপ ; মাতার, সমান স্নেহ  
 সকল সন্তানে ; তবে কেন মাতঃ ! কেহ  
 সুখে নিদ্রা যায়, তব শান্তি কোলে, অহো !  
 কেহ বা প্রান্তরে হেন যায় গড়াগড়ি ।

ক্ষুধায় আকুল প্রাণ, দন্ধ চিন্তানলে,  
 নয়নে না হেরি পথ, পূর্ণ অশ্রু-নীরে ।  
 কে নিবारे হেন বারি তুমি বিনা আর ।  
 দুঃখ বিনাশিনী তুমি—অভয়দায়িনী ।  
 দেও মা ! অভয় সূতে ; হরিয়া দুঃখের  
 ভার দেও শান্তি মোরে ; শক্তি স্বরূপিনি !  
 দেও শক্তি হেন—লভিতে সংসারে সুখ  
 কিস্বা তবপদে ; তব মায়াবলে হায় !  
 ভ্রমি নিরন্তর, এভব যন্ত্রনা আর  
 সহেনা এ প্রাণে । কে বুঝে তোমার মায়া—  
 অনন্ত, অপার ; ক্ষণকাল তরে মাতঃ !  
 সংহর সে মায়া, ও পদ-কমল হেরি  
 জুড়াব জীবন, হবে সফল নয়ন ।

হায়রে সে দিন—এহ যবে সূত্রসন্ন  
 ছিল অভাগার, পূজিয়াছি মহামায়ে  
 এ হেন শরতে, হবিষ্যাশী-উপবাসী  
 থাকি যথাবিধি, স্বহস্তে অর্চনা তাঁরে  
 করিয়াছি সূখে বসি, ভক্তি-উপচারে ।  
 কি মাধ্য আমার, ভারে ভারে উপাদেয়  
 ভোগ্য আহরণে, তুষিব মায়ের চিত ;  
 মূর্থ যারা, তাহে তারা করে আকিঞ্চন ।  
 বনজ-কুসুম বিল্ব জলজ-কমলে,

যথা সাধ্য পূজিয়াছি মায়ের চরণ ।  
 কতই আনন্দ তাহে লভিয়াছি মনে ।  
 এখন স্মরিলে হায় ! বিদরে হৃদয় ;  
 আর কি সে সুখ পুনঃ পাইব জীবনে ?  
 আর কি পূজিব মায়ে ভক্তি উপহারে ।  
 হায় ! কেন পূর্ব-স্মৃতি হ'ল জাগরিত,  
 যুগা লজ্জা সুসন্মান সম্পদ গৌরব,  
 করেছে গ্রহান সবে ত্যজিয়া আমার,  
 স্মৃতি কেন মুহুঃ আসি করে উদ্বোধন,  
 ( শার্দুল পশ্চাতে হায় ! ফেরুপাল যথা ) ।

পড়েছি বিপদে ঘোর কে নিবারে তার,  
 দোখলে আত্মীয় দূরে করে পলায়ন ।  
 বিপদ, মানব-নেত্রে দর্পণের প্রায়,  
 অদ্ভুত-মুরতি তাহে করি দরশন ।  
 সুসময়ে বন্ধু যারা ছিল এক দিন,  
 ( হায় ! রে সেদিন পুনঃ আসিবে কি কিরে ) ।  
 এখন যদ্যপি আমি যাই তার বাসে,  
 “স্থানাভাব” ব'লে মোরে করিছে বিদায় ।  
 কেহ বা আপন স্কন্ধে চাপিব তাবিয়া,  
 দৃষ্টি মাত্র জিজ্ঞাসেন, “আছেন কোথায় ?”  
 যদি বলি স্থির নাই, রহিব কোথায়,  
 অমনি বদন তার হয় অবনত ।

প্রথমে কুশল-বার্তা—ছিল এই রীতি,  
 ভাগ্য-দোষে হয় ! তারো দেখি বিপরীত ।  
 কেহ বা আশ্রয় দিয়া আপন বাসায়,  
 আপন ভাবিয়া মোরে করেন যতন ।  
 যদ্যপি সকল স্থানে হেন বন্ধু পাই,  
 আজীবন উমেদারী করিতাম সৃখে ।

আবার জ্বলিল হয় ! হৃদয়-নিলয়,  
 মনশ্চক্ষু প্রতিবাদী হইল এবার,  
 অভাগা-জননী, বসি দুঃখ পারাবারে,—  
 আমার কারণে চিন্তা করেন অন্তরে ;  
 অপার অনন্ত তাহা, ভাবিয়া না পাই ।  
 যখন পূজার বাদ্য পশিছে শ্রবণে,  
 প্রাণ-পাখী ছট্‌ফট্‌ করিছে অমনি  
 তাঁর হৃদয় পিঞ্জরে । তাই বুঝি হয় !  
 কতই করুণা করি, লিখিলেন লিপি  
 মোরে, যাইতে আবাসে ; হয় ! মৃত আমি,  
 না বুঝিয়া মর্ম্ম তার রহিলাম হেথা ।  
 সকলে আনন্দ-রসে হয়েছে মগন,  
 কেবল অন্তরে তাঁর বাড়িছে সন্তাপ—  
 হয় ! মম অদর্শনে । এ দিকে প্রেয়সী,  
 বসিয়া বিরলে চিন্তা করিতেছে কত ;  
 কভু সুখ নাহি তার তিলেকের তরে ;

সতত সন্তাপ তারে করিছে দাহন ;  
কখন নিরাশা-সরে ভাসিতেছে হায় ! ।  
সন্তান সন্ততি যদি থাকিত আগার,  
এ হেন চিন্তার নাহি পাইত সময় ।  
বয়স্যা নাহিক তার, অথবা থাকিলে,  
গুরুজন-ভয়ে তাহা প্রকাশিতে নারি,  
অন্তর-বেদন করে অন্তরে গোপন ।”  
জ্বলিছে পথিক হেন চিন্তার দহনে,  
মুহুমুহুঃ বাষ্পবারি করি বিমোচন ।

হেনকালে আসি তথা অন্ম উমেদার,  
ধূলি-ধূসরিত পদে তথা উপনীত ।  
বসিলেন দুর্বাদলে সে পাদপ-মূলে ।  
উমেদারে উমেদারে হুইল মিলন,  
পরিচয়ে পরস্পরে জন্মিল সন্ধ্যাব ।  
কিন্তু তাহে উভয়ের ঘটিল না সুখ ;  
একের দুঃখের কথা কহি সে অপরে,  
অন্তরের তাপ হায় ! বাড়ায় দ্বিগুণ ।  
আগন্তুক উমেদার প্রকাশি আগ্রহ,  
কহিতে লাগিল হেন আত্ম-বিবরণ ।—  
“সদ্বংশে জন্মেছি আমি পিতা জমিদার,  
বিষয় সামান্য বটে, তথাপি কখন,  
অশন বসনে কষ্ট ছিল না সংসারে ।



বিষয় রক্ষার হেতু মোকদ্দমা করি,  
 সর্বস্বাস্ত্র হয়ে পিতা, হায় রে অকালে,  
 পশিলেন পরলোকে ত্যজিয়া মমতা।  
 তখন পড়িয়া আমি সংসার-মাগরে,  
 বিপদ-উর্ধ্বির মালা পরিলাম গলে।  
 নাহি জানি সন্তরণ কিসে পাব কুল,  
 করিলাম কত যত্ন বিষয়-রক্ষণে।  
 ব্যর্থ হল মনোরথ দুর্ভাগ্যের বশে  
 পাঠের ব্যাঘাত হায় ! হ'ল এ জীবনে,  
 এ'লে পাশ করি শেষে হয়ে উমেদার,  
 ভ্রমিতেছি দেশে দেশে বাস্মাসিক প্রায়।  
 প্রথমতঃ এপ্রেষ্টিস্ করি আদালতে;  
 হায় ! আশা-বশে। মাসত্রয় গত হলে,  
 কালেক্টর মোরে, দিলেন চাকরী এক  
 সূদূর প্রদেশে। তথায় যাইতে আমি  
 করি অস্বীকার, সে কারণে তথা হতে  
 হই বিদূরিত। হতাশ্বাস হয়ে শেষে,  
 জমিদারপ্রায়ে, বিষয় কারণে হায় !  
 ভ্রমিলাম কত ; অবশেষে এহদোষে  
 পুলিশের ফাঁদে হায় ! ভোগা কত দুখ।  
 শুন বলি সবিশেষ সে সব ঘটনা—

“ব”নাম জেলায় এক উকীলের বাসা

তথায় ছিলাম আমি ; দিনত্রয় গতে,  
 হায় ! ভাগ্যদোষে, বাসায় হইল চুরি—  
 অতি ভয়ানক ; সকলে চিস্তিত অহো !  
 কে করিল হেন । পুলিশ আসিয়া আশু  
 বিধি অনুসারে, চোরের সন্ধানে রত ;  
 যে পড়ে সম্মুখে, তাহারে ধরিয়া হায় !  
 করে টানাটানি । হ'ল তার সুরখাল  
 ( হায় ! মৃত আমি, কেন উমেদারী হেতু  
 গিয়াছিলাম তথা ) । সকলে আমারে শোভা  
 করিলেন হায় !, পুলিশে চালান মোরে  
 দিল অনায়াসে । কে আছে সহায় তথা,  
 রক্ষিবে আমায় । ঈশ্বর রূপায় আর  
 পিতৃ পুণ্য-ফলে, পাই অব্যাহতি শেষে ।  
 ত্যজি হেন উমেদারী করিয়াছি স্থির,  
 যাইব স্বদেশে আশু রক্ষিতে সম্মান ।”  
 এত বলি উমেদার ত্যজি দীর্ঘশ্বাস  
 কহিতে লাগিল পুনঃ গদ গদ স্বরে ।—  
 “কালচক্র-গতি ভাই অতি ভয়ঙ্কর—  
 অনিবার্য্য ভবে ; স্থগিত না হয় কভু  
 নিয়তির মনে অহো ! ভ্রমিছে নিয়ত ।  
 নরের অদৃষ্ট-নেমি তাহে সংযোজিত,  
 কখন উন্নত হায় ! কভু অবনত ।

ছিলাম কি সুখে অহো ; কি দশা এখন,  
 যুগান্তর হ'ল যেন আমার ভাগ্যেতে ।  
 যাইব আবাসে বটে, ভাবিতেছি মনে,  
 কিরূপে স্বজনে হায় ! দেখাইব মুখ ।  
 কি ব'লে প্রবোধ দিব জননীর চিতে ;  
 আশা-পথ পানে চেরে আছেন নিয়ত ।  
 আমার উপায় হ'লে হ'বে দুঃখ দূর ;  
 দুঃখ দূর দূরে থা'ক, বাড়িবে দ্বিগুণ  
 সে অনল হায় !—রিক্ত হস্তে যবে আমি  
 দিব দরশন ; বিধি প্রতিকূলে যার,  
 সংসারে তাহার সুখ কভু কি সম্ভবে ? ।  
 কি দিয়া তুমি ছোট ভাই ভগ্নী দ্বয়ে ;  
 পূজায় নৃতন-বস্ত্র পেলনা এবার,  
 কতই ক্রন্দন বুঝি করে সে কারণে ।  
 হায় ! বিধি একি দারে ফেলিল আমার ।  
 এই যে বিবিধ বাজ—শ্রবণ-বধির,  
 নাচিছে ধমনী যার, সুখী সেই জন ।  
 আমার হৃদয়ে যেন বিদ্বিজেছে শূল ।  
 চতুর্দিকে শূন্যময় নিরখি কেবল ।”  
 বলিতে বলিতে হায় ! ঝরিল অমনি  
 নেত্রে অশ্রু-ধারা, প্রবাহিত হয়ে গণ্ডে  
 পড়িল উরসে ; কণ্ঠ রুদ্ধ হ'ল, আর

ক্ষুরে না বচন । নীরব হইল যুবা  
 চাহি ধরা পানে ; প্রবল ঝটিকা আস্তে,  
 নিস্তব্ধ ভূতল যথা শান্ত দরশন ।  
 “ভয় কি তোমার” কহিল সদর্পে সেই  
 পূর্ব উমেদার ; “ভয় কি তোমার ভাই !  
 নবীন যুবক তুমি তাহে সুশিক্ষিত,  
 কি অভাব তব এ জগতে ; কেন হও  
 অকারণে হতাশাস এবে । ত্যজ ক্ষোভ,—  
 পরিতাপ হেন । বিপদ কাহার নহে  
 চির সহচর, সাহসে নির্ভর করি,  
 হও অগ্রসর, অবশ্য হইবে তব  
 মানস সফল । তোমা আশা ছাড়া নহে  
 কভু এ সংসার ; কিম্বা এ জগত কভু  
 নহে চিরস্থায়ী ; এখনি কহিলে তুমি  
 অদৃষ্ট রূপেতে নেমি কাল-চক্রে ভ্রমে ।  
 সুখান্তে ঘটেছে তব দুঃখ—দুর্কিষহ,  
 কে বলিবে এ অনল রবে চিরদিন ;  
 যম দশা তোমা সম ছিল এক কালে,  
 কাল-চক্রে ভ্রমিতেছি সংসার-কাননে ।  
 থাক, এবে পূর্ব কথা কি ফল স্মরণে,  
 কহিব সে সব বসি সময়ানুসারে ।  
 মুখশ্রী দর্শনে তব হেন বোধ হয়,

অভুক্ত রয়েছ তুমি আমিও তাহাই ;  
চল যাই স্থানান্তরে আহারান্বেষণে ।

## অষ্টম সর্গ

অই, এক উমেদার ত্যজি উমেদারী,  
পথের ভিকারী, হেন নবীন বয়সে ;  
যৌবন-সুখান্তি হায় ! ভস্মে আচ্ছাদিত,  
কটিতে গৈরিক-বাস, অংশে উত্তরীয়,  
গলায় রুদ্রাক্ষ-মালা কিবা শোভা ধরে ।  
জনক জননী তার ত্যজিয়া মায়ায়,  
পশিয়াছে পরলোকে আঁধারি সংসার ;  
বিষয় বৈভব নাই বিষয় কারণে,  
বহু দিন উমেদারী করে দেশে দেশে ।  
এক মাত্র প্রিয়তমা পত্নী তার ঘরে,  
তারি সুখ অন্বেষণে ফিরিছে অভাগা ।  
হায় ! ভাগ্য-দোষে, ছিন্ন হল আশা-লতা-  
প্রণয় বন্ধন, হরিল করাল তার,  
সুখের আগার ; এবে সে সংসারী নহে  
গিয়াছে সংসার, বিবেক আসিয়া মনে

করিল আশ্রয় ; উমেদার জমিদারে  
তুল্য জ্ঞান এবে, বিষয়ে আসক্তি নাই,  
বিষাদে উল্লাস ; শুনিলে রোদন-ধ্বনি  
ধাবিত তথায় । যেখানে সন্ন্যাসী বাসে  
সেই খানে বাস । আনন্দের ধ্বনি কভু  
পশিলে শ্রবণে, রোধিবে অঞ্জুলি দ্বয়ে  
কর্ণরন্ধ-পুটে ; অতুরে হেরিলে নিজে  
হইয়া কাতর, করিবে শুশ্রূষা তারে  
করি প্রাণপণ । যদি শুনে বিভুগান  
ফেলে নেত্র-নীর ; এমন সৌভাগ্য, অহো !  
লভে কোন নর । ভ্রমিছে নিয়ত যুবা  
নগরে বন্দরে, লক্ষ্য স্থান নাহি, যেন,  
পবনের বেগ । হেরিলে তাহার ভাব  
হৈন জ্ঞান হয়, উদ্ভ্রান্ত প্রেমের মূর্তি  
ভ্রমিছে ধরায় যেন উন্মাদের বেশে ।

তথায় বন্দরে এক সাগাণ্ড কুটীর,  
অতি জীর্ণ ভগ্নকায়ে সদা প্রকম্পিত ;  
কখন পড়িবে যেন এই ভয় মনে ।  
“পান্হাবাস” বলি তাহা বিখ্যাত বন্দরে—  
কিন্ধা চরাচরে, দিবাচর নিশাচর  
যত নর চরে, “পান্হাশালা” নাম তার  
জানে জগজ্জন । ব্রাহ্মণ ক্ষত্রিয় বৈশ্য

শূদ্র নানা জাতি লভিবে বিশ্রাম তথা  
 যবন ব্যতীত; চতুর্দিকে আবর্জনা  
 আছে স্তূপাকারে, উচ্ছিষ্ট কদলী-পত্র,  
 দধি ভাণ্ড কত, তৃণ ভস্ম পাকস্থালী—  
 বিবিধ মূরতি ; অর্দ্ধ দন্ধ কাষ্ঠ তাহে  
 হরিহর বেশে, অভিন্ন প্রণয়ভাব  
 দেখায় পথিকে যেন এ পান্থ-মন্দিরে ।  
 তথাপি হেরিলে তাহা হেন জ্ঞান হয়,  
 দ্বিতীয় নরক যেন এমন্ত ভূমিতে ।

ভ্রমিতে ভ্রমিতে সেই উদ্ভ্রান্ত যুবক,  
 দিলেন দর্শন আসি, সে পান্থ আবাসে  
 যেন বিধির আদেশে । দেখেন তথায়,  
 এক মুমূর্ষু মানব, তৃণ-শয্যাতে  
 হায় ! আছে নিপাতিত । বয়সে প্রাচীন  
 নহে—বিগত যৌবন ; গৃহেতে দ্বিতীয়  
 নাই একাকী শয়নে । নিরখি তাহার  
 দশা ভাবেন যুবক,—“চিনিতে না পারি  
 হেন দুর্ভাগারে ; তথাপি নিরখি কেন  
 কাঁদে প্রাণ মম ; পূর্বজন্মে বন্ধু বুঝি  
 ছিল এ অতুর, বান্ধব বলিয়া তাই  
 জানায় অন্তরে মম । জানেন বিধাতা;  
 জন্মেছি জগতে আমি এ দুঃখ দেখিতে ;

সংসারের সুখ আমি দিয়াছি বিদায়,  
করিব সাহায্য এর যথা সাধ্য মম।”

পাঠক ! বিধির চক্র কে বুঝিতে পারে ;  
দয়া করি দীননাথ দিলেন দর্শন,  
যুবকের বেশে আজি, মুমূর্ষুর ভাগ্যে  
যেন এ ঘোর দুর্দিনে । সমদুখী বিনা  
কে বুঝে মরম তার, তাই এ যুবক,  
কাঁদিল অন্তরে হায় ! হেন দশা হেরি ।  
হতভাগ্য উমেদার ভ্রমি নানা স্থান,  
লভিল চাকরী এক দৈব-অনুকূলে ;  
দুর্ভাগার সুখ হার ! রহে কত দিন !!  
অঙ্কুর হইবামাত্র অঙ্কুরেই লয় ।  
রুমার অরূপা হ'লে ধন কোথা মিলে,  
হায় ! এ সংসারে ; করগত হলে তাও,  
ভোগে নাহি আসে । পাইয়া নিয়োগ পত্র,  
প্রয়োজন মতে, চলিল আবাসে মুঢ়,  
আসিবে সত্বর । পশ্চি মধ্যে জ্বর রোগে  
হইয়া কাতর, এ পান্থ নিবাসে ত্বর  
লভিল আশ্রয় ; এ যদি আশ্রয় হয়  
নামের রূপায়, নিরাশ্রয় এ জগতে  
না পাই খুঁজিয়া ; ক্রমশঃ বিকার আসি,  
দিল দরশন ; কখন চেতনা পায়



কভু জ্ঞান হত । নয়ন আরক্ত বর্ণ  
 বহে ঘন শ্বাস, কে বিশ্বাসে হেন নর  
 বাচিবে জীবনে । হায় রে বিধাতঃ ! তব  
 এ কেমন বিধি, চাকরীর শেষে সবে  
 প্রদানে নিকাশ, হায় ! এর ভাগ্যে বুঝি  
 পূর্বেই নিকাশ । এ নিকাশ তুচ্ছ নহে—  
 অতি ভয়ঙ্কর, খাতের কি দয়া মায়া  
 নাহি এ নিকাশে । জন্মাবধি এ সংসারে,  
 করেছ যে কাজ, জীবন নিঃশেষে তার—  
 ( কিবা পাপ কিবা পুণ্য ) হইবে বিচার ।  
 দিনে দিনে যেই জন তহবিল দেখে,  
 নিকাশে উত্তীর্ণ সেই হয় অনারামে ।  
 নতুবা অস্তিম্বে ভোগে, দণ্ড—দুর্নিবার !  
 বিষয়-মদেতে মজি মৃত যেই জন,  
 অপব্যয় করে সদা না রাখে সম্বল ।  
 যখন তাগিদ হবে আসিবে শমন,  
 “হা হতোম্মি ! করি শেষে করিবে ক্রন্দন ।  
 করিতেছ উমেদারী করি বাহাদুরী,  
 সতত এ সব কথা থাকে যেন মনে ;  
 নিকাশে যত্নপি তুমি তরিবারে পার,  
 সমুন্নত-পদ প্রভু দিবেন তোমায় ।  
 এই যে সম্মুখে তব তূণের শয্যায়,—

অস্তিম-শয়নে যেই করেছে শয়ন ;  
 জীবন সংশয় ভাবি হায় ! হতাশ্বাসে,  
 শেষের নিকাশ তরে হয়েছে ব্যাকুল ।  
 দারা পুত্র পরিজন আছে নিজালয়ে—  
 মহাসুখে ; এখন লভিল মৃত্ত কিবা  
 ফল তাহে । হায় ! অশনে বসনে ঘারে,  
 করিল পোষণ ; যাদের সুখের তরে  
 হইত ব্যাকুল, যাদের কারণে এই  
 মৃত্যু—শোচনীয় ; কোথায় রহিল তারা  
 এ হেন সময়ে ; কিবা প্রতি-উপকার  
 করিল তাহারা । কোন মৃত্ত ভাবে হায় !  
 “এ সুখের বাসে, দারা পুত্র কণা হ’তে,  
 লুভিব সদাতি আমি চরম সময়ে ।”  
 করুক দর্শন আসি এ শেষ শয়নে ।  
 ভাঙ্গিবে সুখের স্বপ্ন, আনায়াসে তার ।  
 হায় ! অভাগার পিপাসায় শুষ্ককণ্ঠ,  
 কেবা দেয় জল ; মল মূত্রে বিলুপ্তিত,  
 কে দেখে এখন । তথাপি মায়ার বশে  
 ( হায় রে সংসার ! ) তাহাদের ভাবী দুঃখ  
 করিছে চিন্তন । কভু উন্মীলিত—নেত্র,  
 কভু নিমীলিত । খড়্গোত যেমতি হায় !  
 তামসী-নিশায় । দুই গণ্ডে অশ্রু-ধারা,

হ'ল প্রধাবিত, ক্ষণে ক্ষণে আর্তিনাদ  
 করে ক্ষীণ-স্বরে। কভু হায় ! বারি চায়,  
 চাহি বারি পানে। অদূরে মৃন্ময়-পাত্রে  
 আছে তার জল, কে দিবে এখন তাহা  
 হেন ভাবি মনে, তাই বিধি মিলায়েছে  
 উদ্ভ্রান্ত যুবকে। রোগীর সে ভাব যুবা  
 বুঝি অনুমানে, ব্যগ্রতা প্রকাশি বারি  
 দিলেন বদনে। অসময়ে হেন বন্ধু  
 কার ভাগ্যে ঘটে? পিপাসায় শুষ্ককণ্ঠ  
 ছিল এতক্ষণ, এখন স্ফূরিল বাক্য—  
 অতি ক্ষীণতর। যুবকের চিত্তে অহো !  
 দয়া, উপজিল, অতি কষ্টে পাইলেন—  
 পরিচয় তার; উমেদার জানি তারে  
 ভাবিলেন মনে,—“হায় রে ! ভবের খেলা  
 একি চমৎকার, কেহ হয় আশা-চ্যুত,  
 কারো মূল নাশে, অপার দুঃখের নীরে,  
 ভাসিছে কেবল; সন্তান সন্ততি যদি  
 থাকে কেহ এর, কি হবে তাদের দশা  
 ভাবি তাহা মনে। স্বধর্ম আশ্রিত দ্বিজ,  
 নাহিক সন্দেহ; ইহার অন্তিম কার্য্য  
 করিব সাধন। বিলম্ব না দেখি আর  
 হয়েছে চরম; জীবনের আশা যদি

থাকিত কিঞ্চিৎ কায়মনে সযতনে  
 প্রতিকার করিতাম এ অসাধ্য রোগে ।  
 হতভাগ্য আমি ! কোন উপকার নাহি  
 পেলনা অতুর হায় আজি আমা হতে ।  
 জনক জননী আর জগৎ সংসার,  
 যাদের রূপায় এই ইন্দ্রিয় আধার—  
 কায় লভিয়াছি ভবে । কাম ক্রোধ লোভ  
 মোহ মদ অহঙ্কার, বাক মন প্রাণ,  
 কর্ষেন্দ্রিয় জ্ঞানেন্দ্রিয় বলবীৰ্য্য আদি  
 ধর্মাধর্ম্য পাপ পুণ্য অজ্ঞান-তিমির  
 বিজ্ঞতা বিবেক বুদ্ধি নিহিত যাহায় ।  
 এ হেন শরীর ধরি এ নশ্বর-ধামে  
 ক্লতজ্ঞতা প্রকাশিতে না পেলেম স্থান  
 হায় ! এজীবনে । জনক জননী মম,  
 পশিল স্বর্লোকে সুখে ত্যজিয়া মমতা ;  
 বিমুখ হলেম হায় ! শোধিতে সে ধার ।  
 ত্যজিল সংসার মোরে কিন্তু মৃত আমি,  
 ত্যজিতে না পারি কভু এ শূন্য সংসার ।  
 একদিন হায় ! জনগ ভূমির তরে  
 কাঁদিল না হিয়া ; দরিদ্রের দুঃখ দূর  
 না করি এ'করে, সামান্য উদর তরে  
 সতত আহার্য্য মাত্র করি আহরণ । ..

এতবলি শয্যাপাশে বসিল যুবক ।  
 জলপানে কথঞ্চিৎ সুস্থ হ'ল বটে,  
 জ্ঞানের বিভ্রম যেন, হয় ক্ষণে ক্ষণে ।  
 হেরিয়া যুবকে রোগী নিজ স্মৃত জ্ঞানে,  
 কহে মুহূৰ্ত্তে তারে—“বাছা ভগবান !  
 এস মম পাশে ; জ্বলিছে হৃদয়ে যেন,  
 প্রবল অনল, তোমার ও কর স্পর্শে  
 হইবে শীতল ; এ যাত্রায় রক্ষা নাহি  
 পাইব জীবনে ; চিরজীবি নহে কেহ  
 এমর্ত্ত ভুবনে, একে একে মৃত্যু-মুখে  
 পশিবে সকলে, নাম মাত্র রবে তার  
 কিছু দিন তরে ; তুমিত বালক হার !  
 জাননা সংসার ক্ষেত্র, ভীষণ কেমন ।  
 আপাত দর্শনে সুখ উপজয়ে বটে,  
 কিন্তু বিষতুল্য ইহা প্রত্যেক জীবনে ।  
 আর কি বলিব হায় ! স্কুরেনা বচন,  
 মুহূৰ্ত্তঃ কণ্ঠরুদ্ধ হইতেছে মম ।  
 আবার কিঞ্চিৎ জল দেও মোরমুখে ।,  
 নিকটে বসিয়া ছিল ভগবান তার—  
 যুবকের বেশে ; অমনি আনিয়া জল,  
 দিল তার মুখে । কথঞ্চিৎ সুস্থ হয়ে  
 আরস্তিল পুনঃ—“চিরদিন কারো পিতা

রহেনা ধরায় ; আমার অভাবে কভু  
 করিও না শোক, যাহাতে সংসারে সুখ  
 লভিবারে পার, ধর্ম পথে থাকি তার,  
 করিবে উপায় ; প্রসূতি তোমার হায় !  
 কিছু দিন তরে দুঃখ ভুঞ্জিবে অভাগী,  
 মতত বুঝাবে তারে, ভক্তি-সহকারে ।  
 হায় ! প্রিয়ে ! এবে কেন বসিয়া অন্তরে  
 করহ রোদন । এস মম কাছে, হায় !  
 জনমের মত হেরি জুড়াই নয়ন ।  
 দুর্ভাগ্যের ভাগ্যে পড়ি লভিলেনা সুখ ;  
 কিন্তু তব সৌভাগ্যেতে ভগবান স্মৃত,  
 রহিল অঞ্চলে বাঁধা—যেন কহিনুর ।  
 জীবন-প্রদীপ মম—হইতব নির্বাণ  
 বিলম্ব নাহিক আর ; দেও গঙ্গাজল  
 প্রিয়ে ! বাসনা পূরিয়া । বাছা ভগবান !  
 বদন ভরিয়া সুখে বল হরি হরি ;  
 দেখিতে দেখিতে শ্বাস নাভিমূল হতে,  
 উর্দ্ধ মুখে ক্রমে হায় ! হইল ধাবিত ।  
 ইন্দ্রিয় বিলুপ্ত হ'ল—জ্ঞান অন্তর্হিত,  
 শ্রবণ দর্শন আদি করিল প্রশ্রয় ।  
 সংসারের মায়াজাল ( হায় রে বাহার  
 ফাঁদে ছিল বিজড়িত ক্ষণকাল আগে ) ;

লুকায় কোথায় তাহা হেরি রবি-সুতে,  
 কোরাশা যেমতি অহো অরুণ-উদয়ে ।  
 ফুরাল বাসনা তার—হায় উমেদারী,  
 বিষয় কারণে আর ভ্রমিবেনা হার !  
 পুত্র কন্যা পরিবারে দেখিবেনা পুনঃ,  
 জনমের মত আজি লভিছে বিদায় ।  
 চতুর্দিকে এ সংসারে হেরি অন্ধকার  
 হতভাগ্য উমেদার—মুদিল নয়ন । ! ! !

সম্পূর্ণ ।













